




3 2044 106 358 070

*Fl  
95  
F 77  
d*



HARVARD UNIVERSITY

LIBRARY

OF THE

GRAY HERBARIUM

Received







North

STANFORD UNIVERSITY  
LIBRARY

A 6884

9

GRAY HERBARIUM  
HARVARD UNIVERSITY

HARVARD UNIVERSITY HERBARIUM.

THE GIFT OF

*Asa Gray.*

214  
GEORGI FORSTER,

MEDIC. DOCT.

SERENISS. POLONIAE REGI A CONSILIIIS  
INTIMIS, ETC.

DE

PLANTIS ESCULENTIS

INSULARVM OCEANI AVSTRALIS

COMMENTATIO BOTANICA.



Sed primum positum sit, nosmet ipsos commendatos esse  
nobis, primamque ex natura hanc habere appetitionem, ut  
conservemus nosmet ipsos.

CIC. de finib. bon. et mal. L. IV.



BEROLINI,  
APVD HAVDE et SPENER,  
MDCCLXXXVI.

RECEIVED

1903  
13

V I R O

ILLVSTRI ET GENEROSO

IOANNI ANDREAE

M V R R A Y,

EQVITI ORDINIS DE WASA, CONSILIARIO REGIAE  
AVLAE, PROFESSORI MEDICINAE ET BOTANICES  
IN ACADEMIA REGIA GOETTINGENSI, REL.

BOTANICO

NOSTRI AEVI PRIMARIO

H V N C

DELECTVM FLORVLAE AVSTRALIS

PIENTISSIME CONSECRAT

GEORGIUS FORSTER.

1890

WESTBURY GERMANY

JOHN W. ANDERSON

MURRAY

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
125 WEST 47TH STREET, NEW YORK

1890

WESTBURY GERMANY

1890

DEPARTMENT OF AGRICULTURE  
WASHINGTON

FORGIVE BROTHER



## PRAEFATIO.

---

**A**gam inter orientalem et Americam zephyrinam late extenditur Oceanus australis, omnium vastissimus, nullis extra zonam torridam, praeter unicum fere novam Zeelandiam terris interceptus; intra tropicos autem plurimis insulis, veluti punctis conspersus, quarum aliae in congeries aliquot collectae, aliae majori spatio disjunctae jacent. Versus occidentem inde a decimo quem vocant latitudinis australis gradu usque ad quadragesimum quartum, idem oceanus novam Hollandiam, Europa maiorem, alluit.

Incolae harum terrarum alii candidiores sunt, alii nigricantes. Priores numero reliquis praestant, uno eodemque sermone utuntur, morumque similitudine, quantum pro climatum diversitate licuit, inter se conveniunt. Ex Indiae regionibus orientalibus per archipelagum moluccanum atque philippinas insulas in oceanum australem eosdem migrasse, propter analogiam linguae eorum vernaculae cum ma-





laica, certissimum est. Oceani huius partem borealem tropico tamen inclusam, tres insularum congeries occupant, Latronum quae et Marianae dicuntur, Carolinae, et novissimo Cookii itinere detectae Sandvigiae. In ea parte quae trans aequatorem ad austrum sita est, totidem archipelagis, Amicorum scilicet, Societatis et Marchionis Mendozae, sedem figerunt; quibus adnumerari debent insulae illae, hinc atque illinc in oceano dispersae, cuius superficiem vix superant, stupendis lithophytorum habitaculis inaedificatae, nobis *demersae* (Low Islands) dicendae. Eiusdem stirpis porro ramentum extra tropicum australem, versus americanae littora in paschali insula reperitur (Oster-eiland), aliud deinceps ex opposito novae hollandiae nova Zeelandia est, inde a tricesimo quinto ad quadragesimum septimum latitudinis gradum protensa.

Nigrae gentis longe alia est ratio; nam in Indiae archipelagis orientalibus, et praesertim in montuosis sylvaticisque insularum latibulis agrestium hominum familiae reperiuntur, quae forte cum hisce australioribus nigris ex eadem stirpe prognatae sunt. Eiusdem gentis praecipua sedes est illa insularum congeries, quae aequatori et moluccanis insulis proxima, Papuae sive novae Guineae, Britanniae, Hiberniaeque nominibus in tabulis geographicis designari solet. Inde per insulas Charlottae, novasque Hebrides ad novam Caledoniam usque haecce nigritarum proles videtur penetrasse, brevissimo certe, si cum eo conferatur, quo candidiores illi homines novam Zeelandiam et extre-

mam



mam paschatis insulam petierunt, itinere, et a primis sedibus minus remoto. Nigri huius populi forte soboles, etiam novam Hollandiam occupavit, licet hoc certo affirmare non ausim; quod si vastissimae istius regionis incolae vera originem trahunt a Papuanis, dandum id quoque est, eos a climate et carniū esu aliquanto immutatos fuisse. Verum enim vero nigrorum hominum in hisce terris in primis ea est singularitas, ut fere in qualibet insula, licet proxima vicinitate cum reliquis coniuncta sit, proprio diversissimoque sermone utantur; totque paene sint idiomata, quot sunt insulae ab iisdem habitatae. Quo quidem argumento nullum exquisitius immanitatem maiorum, a quibus ortum trahunt comprobare videtur; et enim quis est, qui indomitam feritatem simul et inscitiam climatis ubertate altam in eo potissimum non agnoscat, quod praeter victus parandi rationem, nihil a parentibus didicerint, desertisque laribus etiam patrii sermonis obliti sint?

Singularem hanc diversitatem inter Australasiae vel Polynesiæ populos, cum iam neque aëris, qui omnibus idem propemodum est, neque alimentorum, quibus omnes fere iisdem vescuntur, diversae qualitati tribuenda sit, originem ducere a primitiva autochthonum varietate arbitror. Indelebilis enim et tanquam inusta species, diversis hominum familiis inhaeret, plurimis notis characteristicis insignis, quae et climati omnimodo resistit, et ciborum commutatione non frangitur, nec non perpetua successione, nisi contaminatae fuerint generati-

ones aliqua mixtela, a parentibus ad ultimam prolem integra meracissimaque descendit. Cui assertioni ne testimonia desint ex aliis regionibus deprompta, verbo saltem tetigisse sufficiet aethiopum sive nigritarum e propriis sedibus africanis in peregrina climata translatorum generationes, atro colore, crispa in capite lana, porrectis maxillis, naso simo, labis tumidis, ceterisque indiciis ab optimo Soemmerringio, summo incisore, mihi (\*) nuper enumeratis, atavis semper simillimas. Attamen de origine harum in genere humano varietatum aliquid certi vel ea ratione constitui nequit, quod in univrsam historica traditione antiquiores sint, et Iudaeorum oracula, quibus Europaei e consuetudine pie assentiuntur, de iisdem fileant. Cum autem Iudaeos semel in scenam evocaverim, eosdem non dimittendos iudico, priusquam eorum exemplo varietatum humanarum persistentiam firmaverim. Plurima enim secula non suffecerunt ad abluendam istam notam vultui horum hominum adeo profunde insculptam, qua vel a primo intuitu asiaticam eorundem originem, meridie clarius perspectam habemus.

Quod ad climatis temperiem attinet, illud nimirum in novae Hollandiae desertis siticulosis, inter calidissima jure referri potest, neque huius parti boreali, aequatori vicinae, ipsam africanam aequinoctialem aestuosorem existimarem. Insulas vero, per oceanum dispersas, ven-

(\*) Ueber die körperliche Verschiedenheit des Negers vom Europäer. Frankf. u. Mainz 8. 1785.



ventorumque intra tropicos perennium halitu perflatas, saluberrima et amoenissima coeli temperie gaudere, navigatores quotquot ad eadem appulerunt omnes una ore pronunciant. **Novae Zeelandiae**, licet frequentibus procellis exagitetur alpesque suas perenninive obrutas in altum adtollat, nihilo tamen fecius lentiores sunt brumae, cum in eius parte extrema ad quadragesimum quintum usque gradum latitudinis in austrum conversa, sub ipso fine autumnii herbas et frutices florentes legissem.

Qui **Carolinas, Marianas, Sandvigias, Mendocinas, Societatis et Amicorum** insulas tenent, primae gentis homines, elegantioris sunt formae, colorisque purissimi castanei absque ullo nigredinis inquinamento. Statura eorum mediocris est, ad proceritatem accedens; capilli longi, densi, cincinnati, nigri; barba maribus crebra, prolixa; oculi ampli, iride nigrofusca; nasus latiusculus, nec simus; labia crasciuscula, dentes pulcherrimi. Magnates colore saepius lucidiore dignoscuntur, corpore proceriore, robusto, obeso, abdomine amplissimo. Sed exceptionem habent insulae aquae penuria laborantes **E-uwa, Tonga, Namoka, Paschatos**, quarum incolae, etiam natu principes, plerique gracilioris sunt formae.

Ingenium horum hominum mite, morum comitate quadam et mansuetudine coniunctum, at in bellis in saevam ferocitatem degenerat. Respublica omnibus feudalis est, regis moderamini subiecta, cuius in amicorum insulis nullo limite circumscriptam potestatem, in societatis



archipelago potentiores vasalli coërcent. **Vul-**gus hominum clientibus constat, et mancipiis glebae adscriptis, regiturque polytheismi superstitione, quae in Sandvigiis praesertim insulis profundiores videtur radices egisse, verum etiam apud Taheitenses interdum humanas victimas erogat. Iis in universum monogamiae consuetudo, vix a nobilibus, militibusve spreta. Vestimentorum genus laxum, leve, climati accomodatum; balneum frigidum bis de die, matutinum et vespertinum; unguentorum usus inprimis inter magnates frequens; moderata in laboribus domesticis exercitatio; nocturni aëris intemperies sedulo evitatur; mollis denique libido, risus, joci, fabulae, cantilenae et saltationes ad tuendam sanitatem vitamque ad ultimum terminum protrahendam conferre videntur.

**Vi-**tus ratio, apud hancce gentem quam sit congrua valetudini robustae et integrae, videndum est. **Artocarpi** fructus, farinaceo-pulposi ab Otaheitensibus, insularumque Societatis, Mendocinarum, Sandvigarum, Carolinarum et Latronum indigenis loco panis adhibentur, primis octo mensibus in anno maturescentes, sed tamen ante maturitatem perfectam in cibum cedunt. Hi decorticati, foliisque obvoluti, in fornace subterranea per horulam assati, comeduntur. Reliquis quatuor mensibus musae inprimis fructus, radicesque ari, dioscoreae, draconitii, taccae, convolvuli, hominibus cibum suppeditant; quem ter singulis diebus capiunt, plerumque refrigeratum, interdum tepidum, nunquam vero ferventem. **Artocarpi** fructum, quem



quem blando alimentorum vegetabilium generi adnumerari non dubitem, variis modis praeparatum, sive acidulatum fermentatione, sive cum oleo et nucleis cocos nuciferae commixtum fruxumque magnates quidem in deliciis habent, sed eidem lautiores quoque epulas adjiciunt; pisces enim sapidissimos, pullos gallinaceos, porcinas, caninasque carnes in conviviis magna quantitate ingurgitant. Horaeis porro fructibus Spondiae, Musae, Eugeniae crudis subinde vescuntur.

Sale marino in littore radiorum solarium ope concreto in Sandvigiis insulis ad cibos faciendos utuntur. Societatis insulae sale concreto carent quidem, sed eius loco aqua oceanica pro embammate adhibetur; in paschatis demum insula, nimis arida et aqua pura omnino destituta, non raro salsam pro potu ordinario hauriunt. In Marchionis, Societatis, Sandvigiisque insulis scaturigines aquae frigidulae, purissimae, levissimae abundant, communique usui inserviunt. Qui delicatius vivunt, lympham nucibus cocos inclusam forbillant. Sacerdotum autem turba et magnates extractum radicis piperis methyfici potant, quod non solum toxicis viribus eosdem inebriat, somnoque gravi opprimit, sed etiam corpus lente emaciat, et leprae obnoxium reddit. Abominandum hocce temetum in amicorum insulis praesertim usitatissimum est. Ibidem plurimum causarum juncta operatione plane efficitur, ut homines, ex eadem stirpe cum Taheitenribus et Sandvigiianis prognati in universum tamen minus robusti evadant, eorumque proceres non adeo pin-



pinguescant, sanguinis autem acrimonia maiore laborare videantur; unde vel elephantiasin, vel totius corporis squalidissimam purulentamque exulcerationem non raro generatam fuisse novimus. Quum enim huius archipelagi australiores insulae, fontibus et rivulis aquae purioris penitus careant, incolis suis non solum potum salubrem, sed etiam balnea in climate aestuoso maxime salutaria denegant. Deinde, quod forte maximi momenti est, blandissimi artocarpī fructus ibidem rarius occurrunt, atque radices jam commemoratae ari, dioscoreae taccacae, huius alimenti saluberrimi vices agunt, quae licet coctura vel tostione a volatili et fere deleteria causticitate liberentur, tamen adstringentium et acrium indolem non ita plane exuunt, ut suspicionem movere omnino non valerent, apud homines iisdem perpetuo altos tandem massam sanguinis et humorum exacerbari, nimiaque acredine accendi posse. E contra vero blandiori diaeta, horaeisque fructibus aquosis usi taheitenses, aquae potatores, quorum corpora crebris ablutionibus humectantur et emolliuntur, non possunt non obefiores reddi, cum revera succi corporis humani tot diluentium juncta actione nimis debilitarentur, nisi transpiratio in regionibus calidioribus abundantior, phlegma superfluum tolleret.

Sunt qui climatis influxum in res humanas pertinaciter negant; ii Novam Zeelandiam vellem adeant. cuius regionis incolae cum Taheitensibus et indigenis archipelagi Amicorum sermone conveniunt, cum quibus etiam fabulae reli-



religiosae, et traditiones, nec non ipse vultus et color communem iisdem originem fuisse testantur. At profecto maximam inter hasce gentes ortam a climatis necessitate morum diversitatem mirarentur. Primi enim novae Zealandiae coloni, qui ad huius regionis oras boreales appulerunt, saccharatum licet convolvulum chrysoforrhizum, radicesque ari et dioscoreae secum attulissent, piscaturae tamen, quae facilem commodamque victus rationem iisdem pollicebatur, sese addixerunt; horticulturam, prout operosior erat, sensim versus australiorem extremitatem terrarum errabundi prorsus deseruerunt. Quare singulis familiis insulam pervagantibus et ab invicem segregatis, cum jam nullo societatis vinculo amplius compescerentur, ad libidinofam ferocitatem patebat reditus. Incertus enim piscaturae proventus eas frequenter loco migrare coëgit, ut victui prospicerent; hinc inter diversas familias, quotiescunque fame perductae in idem littus piscosum escendissent, de Littorum dominio acerrime dimicatum est. Apud victos inde pariter ac victores irata famés aluit inimicitiam, animosque sibi invicem infensiores reddidit. Eo usque tandem vindictae cupiditas apud irritabile illud et iracundum genus hominum invaluit, ut etiam in occisos hostes dentibus saevire assueverint. Cum igitur bellicam virtutem et fortitudinem maximi faciant, neque cuiquam honorem habeant, nisi corporis viribus plurimum polleat, hinc iniquam et vere tyrannicam in sexum sequiorem potestatem exercent; quin spretas ac despectas uxores non solum ad vilissima, eaque molestiora officia adigunt,



gunt, sed et matrem septennes pueri impune conviciantur aut scelestâ manu feriunt.

Corpus a frigoris iniuria pannis e phormio textis, plumisque avium aut pelle canina munitis tuentur. Sed igni circumiacentibus intra fumosa tuguria munditiae nulla cura est, cum ab omni lavatione squalidi atque pediculosi abhorreant, nec non pigmento rubro et oleo rancido vultum foedare consueverint, ut hostibus terrorem injiciant. Victus, quemadmodum superius monui, praecipuus pisculentus est, piscibus enim et recenter captis, et ad solem exsiccatis vescuntur. Docuit tamen etiam dira necessitas ad sylvas confugere, filicumque radices medulla farctas effodere, dum vexatum procellis

atrum

defendens pisces hiemat mare.

Harum filicum in borealiori insula, quae populosior est, cum ingentes acervos collectos vidisset Cl. Crozet, simulque comperuisset radicum Convolvuli, ari et dioscoreae culturam ibidem non plane negligi, hominibus Novae Zeelandiae victum vegetabilem esse nimis festinanter inde collegit. Idem navarchus experientissimus apud incolas istius regionis frequentem gummi cuiusdam calefacientis commissationem observavit. Neque iam recuso, in calidiorae Novae Zeelandiae parte, advenas e Zona torrida homines consuetudinem vegetabilis alimenti conservasse; quin potius libenter concedam, hoc stabili et minus erratico vitae genere effectum fuisse, ut numerus eorum magis accres-



accresceret, civitatisque et regiae potestatis primordia ibidem una progerminarent. Verum ex autoptarum consensu facile colligitur, barbaros in boreali Novae Zeelandiae parte horrido carniū humanarum adpetitu, ferocissimo in hostes animo, ad vindictam iramque proclivitate non solum australiores familias, merique ichthyophagas aequare, sed et tanto iisdem praestare, quanto in universum viribus corporis membrorumque immanitate eas antecellant. Qui ciborum ad animi adfectus excitandos potentiam agnoscunt huius tantae ferocitatis stimulos forte ab alkalescente piscium substantia petant, cum etiam in temperatiore insula, pisces saltim ex parte, hominum nutrimento inservire noverint.

Similem huic differentiam, quae inter diversas nigrae gentis colonias intercedit, brevissimis verbis expediam. Ex his, qui Novae Caledoniae insulam aridam et montuosam incolunt homines reliquos mansuetudine pacisque studio superare videntur, Statura iis aliquanto procerior, color fuscus quidem, sed ad castaneum vergens: capilli torti, nec tamen plane ut in aethiope lanati. Eorum arva plantationi radicum ari et dioscoreaa idonea, in regione littorali, aquis marinis stagnantibus subinundata et rhizophorae, ficuumque radicantium denso frutice intercepta, ligonibus sedulo confodiuntur. Soli sterilitas autem improbum incolarum laborem parce nimis remuneratur; quare et piscatu vitam sustentant, et ad sylvestria succedanea e regno vegetabili recurrunt, corticesque insipidos hibisci tiliacei exsugunt. Novarum  
Hebri-




Hebridum contra foecundissima tellus est, quas scilicet calor intestinus vulcani non solum refocillet, sed et late dispersus laetificet cinis. Ibi dem hortuli, quos indigenarum industria plantavit, intra spissum undique nemus absconditi latent, Musae inprimis fructibus, citro, ficibus edulibus, nucum vario genere, tum etiam arietis et dioscoreae radicibus divites. Ipsa hinc inde farinosis onusta fructibus artocarpus, licet minus frequens, conspicitur; domesticae porro volucres suumque greges circa domicilia vagantur. Succurreret cuiquam forte illam naturae altricis ubertatem intuenti, ut in hisce insulis hominum stirpem bene saginatam, corpulentam, segniores, imbellem, pacisque et veneris, otio quae maxime aluntur, artibus deditam expectaret. Enimvero miraretur quod citra spem illi obviam fierent (praeprimis in Malicollo insula) nigerrimi homunciones, naso simo, angulo Camperi acutiore (\*), capillitio crispo et lanato, exiles, macilenti, deformes, nudi, cingulo armillisque strictissimis coarctati, garuli, ingeniosi, astuti, histriones, agilissimi, irrequieti, suspiciosi, trepidi, sagittis clavisque perpetuo armati, mulierum osores, anthropophagi! Quod vero insulae Tannae indigenis contigerit, mallicollensibus ingenio magis mitescere, eosque proceritate corporis artuumque masculo vigore superare, id procul omni dubitatione, familiari quam habent cum quadam albidae gentis colonia consuetudini tri-

\*) Ex occurfu linearum, alterius ab osse frontali, alterius a meatu auditorio, ad dentes incisores superiores, ductarum.

tribuendum est. Nam praeter vernaculam suam, intelligebant etiam linguam societatis et amicorum insulis communem, eamque ultra proximam insulam Ironan, in alia, cui nomen Itonga, in usu esse nobis referebant.

Haec praemittenda mihi videbantur, cum adumbrationem plantarum molitus essem, quae ad rem cibariam in terris australibus pertinent; neque iniucundum hunc introitum, nec prorsus inutilem ratus, qui etsi nova et inaudita non proferat, certis tamen et fide dignis observationibus doctrinae utiliori ministret. Equidem mihi videor illorum opinionem recte amplexum esse, qui maximam inter hominum familias diversitatem organicam, ab ipso generationis typo derivandam, morumque notas characteristicas, et consuetudinum perpetuitatem imitatione maiorum oriundam existimant; climati tamen aliquid virium inesse ad inflectendos animos non omnino recusant. Sed etiam in cibi potusque diversis generibus, non solum corporis humani fabricam singulariter renovandi immutandique, verum ipsiusmet animi energiam excitandi aut demulcendi vim sane maximam delitescere, celeberrimi nominis viri strenuis argumentis demonstrare conati sunt. Famis enim sitisque dolore sollicitatos homines, ut detritas de corpore particulas novis supplementis restituant, diluantque sanguinem motu naturali spissatum, alkalescentem edulcorando restaurent, ex deglutitis et in ventriculo solutis corporibus organicis paratum succum tubulis villosae tunicae susceptum, et in glandularum plexibus demum assimilatum, venis haurire



rire quidem, eoque machinam animale[m] perpetuo refarcire, sed pro diversa principiorum in alimentis miscela diversissimum profecto habitum nancisci asseruerunt, cuius etiam in sensus internos reactionem manifestam simili ratione contingere arbitrati sunt, qua mutato instrumentorum mechanismo, effectuum discrimina in operibus humano artificio elaboratis planeprehenduntur. Adduxerunt in huius doctrinae defensionem exempla morborum varii generis, quorum fons et origo sublato elementorum nostri corporis aequilibrio debetur, sanandorum autem ratio in eodem mutata diaeta adhibitisque remediis efficacibus restituendo consistit. Tum in medium porro protulerunt animi affectus hoc vel illo cibo potuve interdum sopitos aut exuscitados; nec non denique inter tot gentium diversissima ingenia, mitissimum phytiphagis, atrox et bellicosum sola carne vescentibus tribuerunt. Cum autem singula, quibus haec opinio fulciri solet argumenta, post Hallerum denuo recensere (\*) supervacaneum et citra huius opellae propositum foret, id unum, missis coniecturis fallacibus adiciam, ad immutandum typum varietatum humanarum, ex observationibus superius enumeratis, non adeo notabilem esse in terris australibus ciborum efficaciam.

Plantae in oceani australis insulis esculentae quinquaginta quatuor in universum mihi innotuerunt, quarum viginti sex ante nostrum iter botanicis incognitae erant. Harum univer-

(\*) Physiolog. Tom. VI. Lib. IX. Sect. 3.

versaliffimae funt, (cum etiam extra tropicos reperiantur,) Convolvulus chryforrhizus, Dioscorea alata, Arum macrorhizon et esculentum; his proxime accedunt, tropico tamen inclusae: Musa paradisiaca, Cocos nucifera et Artocarpus incisa; reliquae omnes in una alterave insularum congerie desiderantur, aut minus frequentes funt. Numeravi porro in Societatis insulis species esculentas viginti sex; in amicorum insulis totidem; sed nonnullas diversas; in novis Hebridibus circiter viginti; in nova Zeelandia sedecim, quibus comprehenduntur antiscorbuticae septem Europaeis quidem pretiosissimae, sed quarum apud incolas ad rem cibariam nullus est usus.

Erunt forte, qui in tenui laborem me collocasse existiment. Attamen non defuit, qui ex hac tenuitate oriundam gloriolam legitimis dominis praeriperet, et alienae messi immitteret falcem. Taceam rerum naturalium cognitionem, usu semper esse anteriorem; et earum quae nostro itinere innotuerunt ad hominum necessitates adplicationem, etiamsi parte saltem aequalibus nostris contingat, posteritati tamen clarissime perspiciendam demum reservari.

Quod reliquum est, quemadmodum adversaria mea rursus evolventi grata mihi erat absoluti peripli commemoratio, ita spero, mi



lector, descriptiones sequentes botanicas et  
tibi aliquam voluptatem allaturas, qua mecum  
gaudeas fruarisque.

Datum Vilnae Lithuanicae, anno  
MDCCLXXXVI.

D. GEORGIUS FORSTER.





# CATALOGVS

## PLANTARVM ESCVLENTARVM AVSTRASIAE.

### I. Fructus.

#### Nomina

#### Classēs

1. Artocarpus incisa	Monoecia Monandria.
2. Musa paradisiaca	Polygamia Monoecia.
3. Spondias dulcis †	Decandria Pentagynia.
4. Citrus Aurantium.	} Polyadelphia Icosandria.
5. Citrus decumana	
6. Eugenia malaccensis	Icosandria Monogynia.
7. Ficus aspera †	} Polygamia Trioecia.
8. Ficus granatum †	
9. Ficus indica	
10. Pandanus odoratissima	Dioecia Monandria.
11. Morinda citrifolia	} Pentandria Monogynia.
12. Solanum aviculare †	
13. Achras dissecta	Hexandria Monogynia.
14. Crataeva religiosa †	Dodecandria Monogynia.
15. Coriaria farmentosa †	Dioecia Decandria.

### 2. Nuces.

16. Cocos nucifera	} Appendix Palmae.
17. Corypha umbraculifera.	
18. Artocarpus edulis	Decandria Monogynia.
19. Terminalia Catappa	} Polygamia Monoecia.
20. Terminalia glabrata †	
21. Maba major †	Dioecia Triandria.
22. Sterculia Balanghas.	} Monoecia Monadelphica.
23. Sterculia foetida	

### 3. Radices.

24. Convolvulus chrysothrix zus †	Pentandria Monogynia.
--------------------------------------	-----------------------



- |                                   |           |                       |
|-----------------------------------|-----------|-----------------------|
| 25. <i>Dioscorea alata</i>        |           | Dioecia Hexandria.    |
| 26. <i>Arum esculentum</i>        | }         | Gynandria Polyandria. |
| 27. <i>Arum macrorhizon</i>       |           |                       |
| 28. <i>Tacca pinnatifida</i>      |           | Dodecandria Trigynia. |
| 29. <i>Dracontium polyphyllum</i> |           | Gynandria Polyandria. |
| 30. <i>Dgidgi</i>                 | } radices |                       |
| 31. <i>Mawhaha</i>                |           |                       |
| 32. <i>Dracaena terminalis.</i>   |           | Hexandria Monogynia.  |

## 4. Olera.

- |                                     |   |                          |
|-------------------------------------|---|--------------------------|
| 33. <i>Dracaena indivisa</i> †      |   | Hexandria Monogynia.     |
| 34. <i>Areca oleracea?</i>          | } | Appendix Palmae.         |
| 35. <i>Areca sapida</i> †           |   |                          |
| 36. <i>Opium graveolens</i>         |   | Pentandria Digynia.      |
| 37. <i>Tetragonia halimifolia</i> † |   | Icosandria Pentagynia.   |
| 38. <i>Lepidium oleraceum</i> †     | } | Tetradynamia Siliculosa. |
| 39. <i>Lepidium Pifeidrum</i> †     |   |                          |
| 40. <i>Sonchus oleraceus</i>        |   | Synzenesia P. aequalis.  |
| 41. <i>Boerhaavia erecta</i>        |   | Monandria Monogynia.     |
| 42. <i>Solanum viride</i> †         |   | Pentandria Monogynia     |
| 43. <i>Portulaca lutea</i> †        |   | Dodecandria Monogynia.   |

## 5. Succedanea.

- |                                   |   |                         |
|-----------------------------------|---|-------------------------|
| 44. <i>Avicennia resinifera</i> † |   | Didynamia Angiospermia. |
| 45. <i>Hibiscus tiliaceus</i>     |   | Monadelphia Polyandria  |
| 46. <i>Cocix Lacryma</i>          |   | Monoecia Triandria.     |
| 47. <i>Pteris esculenta</i> †     | } | Cryptogamia Filices.    |
| 48. <i>Polypodium medullare</i> † |   |                         |
| 49. <i>Polypodium dichotomum</i>  |   |                         |

## 6. Potulenta.

- |                                    |                       |
|------------------------------------|-----------------------|
| 50. <i>Piper methyfticum</i> †     | Diandria Trigynia.    |
| 51. <i>Saccharum officinarum</i>   | Triandria Digynia.    |
| 52. <i>Convolvulus Turpethum</i>   | Pentandria Monogynia. |
| 53. <i>Melaleuca scoparia</i>      | Icosandria Monogynia. |
| 54. <i>Dacrydium cupressinum</i> † | Dioecia.              |

Signo † notatae in editione XIV. Systematis Vegetabilium Linnæi. quae cura Cel. Io. Andr. Murrayi prodiit, non reperiuntur.





Plantae Esculentae  
Insularum Oceani Australis.

---

I.

F R V C T V S.

I. **A**RTOCARPVS INCISA. F.

A foliis incisis. M. S. V. p. 838. (Monogr.  
mea: vom Brodbaum 4to 1784).

Arbor crassitie hominis, altitudine quadragintapedum et ultra, trunco erecto, ligno molliori, levi, flavicante; libro esibrillis rigidiusculis reticulato, albo; cortice laevi, rimoso, pallide cinereo tuberculis exiguis raris asperfo. Arboris partes laesae omnes liquorem fundunt glutinosum lacteum.

Rami in comam amplam subglobosam fastigiati, inferiores longiores, distantia decem sive duodecim



decim pedum supra terram e trunco prodeunt, fere horizontaliter patentés, sparsi, subverticillati. Ramuli adscendentes, apice floriferi, fructiferae.

Folia alterna, petiolata, ovata, supra medium in lobos septem novemve lanceolatos acutos profunde dissecta, sinibus rotundatis; caeterum integerrima, utrinque glabra, laevia, patentia, laete virentia, subtus pallidiora, membranacea, sesquipedalia, undecim pollices lata, venosa, nervis crassis, numero lorum e rachi communi excurrentium. Folia juniora sicut partes omnes teneriores arboris tactu glutinosa sunt.

Petioli teretiusculi, laeves, adscendentes, bipollicares. Stipulae binae, folia juniora involventes, lanceolatae, acuminatae, concavae, integrae, intus laeves, extrorsum pilosae, deciduae, tripollicares.

Pedunculi in apice ramulorum, et axillis foliorum summorum solitarii, teretes, pilis raris confersi, erecti, bipollicares.

♂ *Flores Masculi* ad folia summa:

CAL. Spathae nullae. *Amentum* subcylindricum, clavatum, carnosum, erectum, spithameum, flosculis fessilibus, exiguis innumeris, tectum, caducum. *Perianthium* proprium minimum, bivalve, valvulis aequalibus, oblongis, obtusis, concavis, arcte cohaerentibus, clausis, luteo fuscis.

COR. nulla.

STAM.

STAM. *Filamentum* unicum brevissimum in fundo perianthii. *Anthera* erecta, oblonga, simplex, longitudine filamenti.

♀. *Flores Feminei* in apice ramulorum.

CAL. *Spathae* bivalves, ovato-lanceolatae, compressae, acuminatae, erectae, apice inflexae, molles, spithameae, primum clausae, deinde deciduae, in apice pedunculi. *Spadix?* globosus, germinibus plurimis connatis tectus. Perianthium nullum.

COR.

} nulla.

STAM.

PIST. *Germina* numerosa, obverse conica, connata, receptaculo innata, apice convexiuscula, singula superficie subhexagona. *Styli* vix ulli, brevissimi simplices, numero germinum, solitarii. *Stigmata*, puncta, prominula, marcescentia, (in aliis varietatibus, bifida; Thunberg).

PER. *Bacca* globosa, glabriuscula superficie hexagonis conscripta, pallide virens; maxima dodrantalis; pulpa farinacea, alba, subfibrosa, maturitate succosa, flavâ; receptaculo clavato, carnosio, longitudinaliter fibroso, palmari, adnata.

SEM. (in hac varietate). Rudimenta sterilia, minuta, oblongiuscula, emarcida, fusca, apice pilo decies longiore coronata, pulpa immerfa.

Varietates praecipuae huius arboris duae sunt

a) *Fructu appreno*; haec iterum in quinque ordines dispescitur quarum nomina lingua. taheitenium vernacula sunt sequentia:



- a) *Uru*, fructu apyreno globofo, laevi, mutico, vulgatiffimae, quam modo adumbravimus, varietati proprius.
- b) *Maira* fructu apyreno ovali, mutico, foliis profundius diffectis.
- c) *Patea*, fructu apyreno, oblongo fcaro, quali fquamofa.
- d) *Tatarra*, fructu apyreno, ovali, germinibus verrucofo-mammillaribus ftvlo perfiftente muricatis; his accedit
- e) *Soccus lanofus* Rumph. herb. amboin. I. tab. 32. fructu apyreno muricato, intus lanato-fibrofo.

β) *Fructu feminifero*, cuius descriptionem dederunt Rumphius et Sonnerat. Haec olim in Tahiti infula cum praecedente reperiebatur, fed progreflu temporis neglecta periit, quum apyrenae varietatis ad rem cibariam praeflantior fit ufus. Semina magnitudine fere caftaneas exaequant, oblonga, fubanguofa, utrinque in acumen producta, tunicis propriis, brunnea et alba, corticata, fingula interftincta membranulis five tunicis pluribus (e germinum abortu) et carne minus abundante fuccofa. Haecce femina in primis Ce'ebae infulae hominibus pro alimento praecipuo inferviunt, qui eadem cinere fervido tofta, vel in aqua cocta, vorant.

Apyrena artocarpi varietas conjunctim cum feminifera adhuc in marianis infulis reperitur; in novis porro Hebridibus ac in amicorum archipela-



go, licet rarior, occurrit; copiosissima autem omnium in societatis et marchionis mendozae insulis, atque satis abunde in Sandvigiis nonnullis coeitur. Vidi etiam femerartocarpi stirpem juniorem in arboreto quodam novae Caledoniae, ubi inter rarissimas procul dubio recenferi debet.

Fructus hicce apyrenus perfecte maturus, pulposus, dulcescens, facile putrescit, atque tum aevum fertur nimis laxare; immaturus vero farinaceus est, et in fornace subterranea, vel etiam super igne tostus, saluberrimum et gratissimum nutrimentum praebet, sapore panis triticei non adeo dissimile, tamen cum radicibus helianthi tuberosi sive etiam solani tuberosi quandam similitudinem habeat. Octo continuis mensibus taheitenfes et adiacentium insularum marchionis incolae hocce inprimis cibo vescuntur, neque per reliquos quatuor menses, a Septembre in finem Decembris, sub ipso inflorescentiae et grossificationis tempore eodem prorsus carent, cum loco recentis fructus massam pupae, fermentatione acidulatam, in panis speciem coquere probe norint, eamque in deliciis habeant. Liber arboris ad rem vestiariam pari modo, quo mori papyriferae liber, adhibetur; lignum pro cymbis, domibusque exstruendis; amantamascula pro fomite igniario; folia pro cibis involvendis manibusque abstergendis inserviunt. Succus lactescens glutinosus coquendo inspissatur, et in viscum avibus capiendis idoneum convertitur; idem admixtum aliis ingredientibus gluten praebet, quod hydriarum fissuris illini solet. Trium arborum annona ad alendum unum hominem sufficit.

2. *MUSA PARADISIACA*. Linn.

*M. (Paradisifaca)* spadice nutante, floribus masculis persistentibus. *M. S. V.* p. 902. n. 1.

*M. (Sapientum)* spadice nutante, floribus masculis deciduis *M. S. V.* p. 902. n. 2.

Planta culta per totius orbis regiones calidas, in america ante hispanorum adventum ignota, e guinea ad americae insulas aequinoctiales primum allata, in oceanum pacificum una cum hominibus ex orientali India migrasse videtur, ibidem enim in omnibus insulis, praeter demersas et desertas, passim colitur, et in varietates praesertim in archipelagis amicorum et societatis numerosas degeneravit. Propagatur e radice et stolonibus, foveae immixtis, cum cinere herbisque concrematis, quibus calceis e conchis interdum pauxillum adjici solet, ut fructus cito progerminent; hae praecociiores varietates mense sexto, immo quarto nonnunquam fructus proferunt, reliquae racemo nonnisi post decimum octavum mensem onustae cernuntur. Fructificatione peracta, tota stirps, excepta tamen radice novos agente furculos, emoritur.

Fructus, prout diversa est varietatum indoles, alii crudi alii nonnisi tosti sive assati comeduntur; horum priores hortorum tahaitensium praecipuum ornamentum constituunt; posteriores vero, utpote frigori magis assuefacti, in montuosis insularum tractibus, locos nemoribus undiquaque clausos occupant. In moluccano archipelago, pulpam tostam horum fructuum masticando in pu tem reducant matres, quam infantibus etiam nolentibus in



os ingerunt, eosque ut offam deglutiant variis artibus cogunt. Cibus est facilis digestionis, iis qui e longinquo itinere maritimo adpelunt maxime salutaris et delicatus; mihi tamen, propter nauseosam glutinosamque ducedinem semper iniucundus. Viscida haecce qualitas videtur stomacho debiliori infensa, constipat alvum, flatusque gignit. Rumphius etiam maturos crudosque musae fructus, cum facile putrescant, in dysenteria epidemica, malignitatem humorum adaugere credidit. Idem indefessus naturae observator, in mouccano archipelago sedecim musae varietates enumerat, quarum plurimae etiam in austrasiae insulis reperiuntur: eas vero verbis exprimere, vel differentiam specificam veram qua Musam paradisiacam a Musa sapientum dignoscere liceret, me nondum reperire potuisse, lubenter fateor. Figuras enim Ehretianas a Rheedianis (Trew. t. 21. 22. 23 et Hort. Malab. p. I. t. 12. 13. 14). nihil discrepare quis non videt, licet b. Linnaeus illas Musae sapientum, has vero paradisiacae tribuerit?

I. *Musa corniculata*, (Pisang Tando) cornu bovis figura et magnitudine fructuum aemulat; variat fructibus mollibus flavis, quos femineos vocant, et masculis dictis, duris, viridibus, longioribus, austeris, ut nonnisi tosti aut cocti mensae apponi queant. Singula bacca saepe duodecim pollices longitudine exaequat, brachii fere crassitiem attingit; quare racemus suffulciri solet, ne pondere suo abrumpatur.

II. *Musa exsucca* (Pisang Gabba Gabba) parum a praecedente differt, nisi fructu tenuiore, ex albedo flavescente, substantia siccissima, austera, donec sub cineribus fervidis torreatur.

III.



III. *Musa tetragona* (Pifang Cro) fructus gerit spithameos, angulosos, plerumque tetragonos, extus virentes, intus albos, acidulos, duriusculos.

IV. *Musa acicularis* (Pifang Dsiernang). Fructus palmares, trigoni, acuminati, acumine longo filiformi, styli persistentis vestigio. Racemus septem pedes nonnumquam longus est, ducentos et quinquaginta fructus in septemdecim verticillis non raro adnectens. Cortex, medullae rufescenti et sacchari instar micanti, fortius quam in congenerebus adhaeret.

V. *Musa coriacea* (Pifang Culit-Tabal). Cortex crassissimus fructus, recondit pulpam mollem, pallide rufam, pentagonam, ora interiore angustissima. Haec quoque frixa aut tosta solet mensis apponi, licet etiam cruda eadem in cibum cedat modo bene matura sit. Ad hasce quinque varietates, quibus etiam decima adnumeranda, taheitenfium varietates sylvaticae et montanae, quas *Pebbi* vocant, mihi spectare videntur; harum maxima, maturitate extus et intus intense fulvo colore gaudet.

VI. *Musa mensaria* (Pifang Medji). Hujus fructus palmaris sive spithameus, teretiusculus, striis notatur quinque elevatioribus, obliterated, inaequaliter dispositis, ut fere trigonus appareat. Maturus e sulphureo colore flavescit, facillime decorticandus, pulpa albida, fractura micante, sapida dulci, ac si aliquid aquae rosarum esset admistum. Ad torrendum, nisi immaturus, non valet, sed crudus comeditur; facile putrescit, cum et cito ad maturitatem perficiatur. Stipes altior quam in pluribus varietatibus; folia fusco maculata. Haec  
impri-





Inprimis et proxima sequens, apud taheitenfes *Meiya* vocatur, vocabulo quod a voce malaica *Medji* parum absonum videtur.

VII. *Musa regia*, (Pifang Radja) gaudet fructu praecedenti affini, sed multo brevior, vix digiti longitudine, pollicem crasso, glabro, aequali, cortice tenuiore, sapore dulci et grato; quare a bataviae urbis incolis, maxime appetitur & reliquis musae varietatibus palmam praeripit, mensisque crudus apponitur.

VIII. *Musa purpurascens* (Pifang Mera) forma fructuum cum *M. regia* convenit, colore differt; cum enim progerminent fructus externe purpureo fusci sunt, croceo intermixto. Caro alba, acidula, edulis tamen sine praeparatione. Stipites, folia et racemi colore purpureo virenti infecti sunt.

IX. *Musa punctata* (Pifang Salpicado). Fructus brevis, teretiuseculus, flavus, minute nigro punctatus: cetera cum *M. mensaria* conveniunt.

X. *Musa dorsata* (Pifang Swangi). Fructus crassus, sex pollicaris, protuberantiis longitudinalibus inaequaliter angulosus lateribus irregularibus. Pulpa intense lutea seu rufa, duriuscula mucosa, acidula, subaustera; qua nec friza, nec cruda vescuntur homines, ad pulcem tamen pro infantibus usurpatur, et omnium vilissima habetur. Stirps reliquis altior.

XI. *Musa granulosa* (Pifang Batu five Bidji); figura praecedentis, teres, tenuior, virens, pulpa mucosa, molli tamen et dulcescente, repleta seminibus duris, nigricantibus instar paeoniae feminum. Stipes altus, per furculos adeo multiplicatur ut brevi tempore magnum spatium occupet. Linnaeus hanc varietatem Musae Troglodytarum adnumerat.



XII. *Musa fatua* (Pifang Alphuru) fructus geriparuos, crassos, tereti compressiusculos, cinerascetes, viscosos, saporis fatui, tostos tamen bonos.

XIII. *Musa coarctata* (Pifang Bombor) est fructu breuissimo, ovi gallinacei magnitudine, glabro, teragono, apice obtuso, crudo eduli.

XIV. *Musa papillosa*, (Pifang Suffu). Minores quam *M. menfaria* fructus gerit, pollicem crassos, angulosos, apice papillaeformi, flavescentes, pulpa duriuscula, acidula, vili, quae torreri potius debet, quam cruda comedi. Folia huius varietatis tenella, farina quasi conspersa sunt, qua abrasa, color fuscus adparet, qualis et deglupta extima membrana in stipite conspicitur.

XV. *Musa pumila* (Pifang Kitfil) Stirps humilis, cum foliis humanam altitudinem non excedit. Fructus rotundi, digiti longitudine, sed crassiores, extus lutei, glabri, cortice tenui fragili. Pulpa dura, acidula, tamen ut fertur, grata, et ficuum saporem suscipiens si fuerit in aqua cocta. Racemus licet humilis tamen usque ad ducentos fructus non raro profert. Haec varietas gaudet solo pingui, terraque daedalaea, lapillis mixta, atque hortos montanos amat in syluis absconditos. Musae reigae degenerem filiam putat Rumphius.

XVI. *Musa lunaris* (Pifang Bulang - trang). Huius racemus, stipes, folia flaua sunt, fructusque albidus, ita ut noctu, lunae radiis illuminata, tota stirps similem colorem reflectat, unde nomen malaicum nacta est.

## 3. SPONDIAS DULCIS. F.

S. petiolis teretibus sexjugis: foliolis serratis, costatisque F.

Arbor procera, umbrosa, coma pulchra, late diffusa. Truncus crassitie, corpus humanum superat, erectus, ramosus, quinquaginta pedum altitudine, quorannis ante nouam foliationem florens, mense septembri.

Rami diffusi, patentes, teretes, cortice brunneo, scabro. Folia sparsa, conferta, petiolata, pinnata, sexjuga cum impari; foliola oblongo-lanceolata, acuminata, subtilissime ferrata. glabra, patentia, costata nervo marginali, venis plurimis simplicibus parallelis rectis, a rachi media in costas ad angulum rectum excurrentibus, saturate viridia, palmaria. Petioli communes, teretes, laeues, patentes, pedales; proprii suboppositi compressiusculi, semipollicares.

Pedunculus in apice ramulorum uniuersalis, terminalis, teres, laeuis, erectiusculus, longitudine petioli communis. Racemus magnus compositus. Pedunculi partiales alterni teretes, glabri, horizontales, superiores sensim minores ascendentes palmares; pedicelli uniflori, sparsi breuissimi. Flores parui, flavo-virentes.

CAL. *Perianthium* inferum, minimum, quinquepartitum laciniis aequalibus, acutis pallide viridibus.

COR. *Petala* quinque lanceolata, patentissima, calycis laciniis interjecta, infera.

*Nectarium?* Annulus carnosus, torulosus, germen cingens, flauus.

C

STAM.



STAM. *Filamenta* decem subulata, petalis breviora patentia. *Antherae* ovatae, erecto-incumbentes.

PIST. *Germina* quinque minuta, globosa, basi coalita.

*Styli* quinque cylindrici, basi approximati, apice recurvi, longitudine staminum. *Stigmata* obtusa.

PER. *Drupa* ovalis, obtusa, magna, glaberrima, aurea, odore subnauseoso foetida; putamine exteriori tenuissimo, punctato, acri, dentes arrodente, amaricante, pulpa carnosae, succulenta, dulci, acidulata, aromatica, fragrante. *Nux* in medio dura, lignosa, ovata, fibrillis duris pungentibus undiquaque echinata, quinquelocularis, dissepimentis membranaceis.

SEM. Nuclei solitarii, ovati, compressi, quamplurimum abortivi.

Haec Spondiae species per societatis et Amicorum insulas colitur, imprimis in Tahiti frequentissima. Eius fructus siue vere aurea poma in racemulis nutantibus proueniunt, et sapidissimis saluberrimisque jure adnumerantur, ejusdem fera ac Bromeliae Ananae fructus saporis, sitim non solum facile tollunt sedantque, sed etiam aegris, licet biliosis affectionibus et obstructionibus laborantibus, sine discrimine conceduntur; aluum leniter reserantes, antiseptici, et inter horaeos fructus dignissimi qui principem locum occupent. Nomen tahitensem e - *Vi*. Determinent alii, an haec nostra species cum spondia Myrobalano Linnæi, M. S. V. p. 428. n. 2. siue Celeberr. Jacquini spondia Mombin conjungenda sit, nec ne. Si rectius segreg-



gavi, Linnaeanae species novis differentiis specificis donandae sunt.

4. CITRUS AURANTIUM. Linn.

*C. petiolis alatis, foliis acuminatis. M.*

*S. V. p. 697. n. 2.*

Aurantia mala in novis Hebridibus reperiri auctor erat Petrus Fernandez de Quiros, primus harum insularum inventor, qui eadem terrae Manicolae, sive Mallicollo tribuit. In hortis harum regionum littori vicinis tamen hanc arborem nusquam vidimus, neque forsitan testimonio nauarchi hispani fidem adhibuissimus, nisi tandem in extrema huius archipelagi versus austrum potrecta Tanna insula, fructus aliquot immaturos incolae semel venum obtulissent, quos pro veris aurantiis agnouimus. Non igitur dubitandum est, quin haecce hesperidum poma ab indigenis culta, rei cibariae harum insularum adnumeranda veniant.

5. CITRUS DECUMANA. Linn.

*C. petiolis alatis: foliis obtusis emarginatis. M. S. V. p. 697. n. 3.*

Frequentissima est in amicorum insulis arbor pro-cera, umbrosa, pulchre comata, floribus fragrantissimis, fructibus maximis sapidissimis superbiens, qui belgice *Pompelmoesen* audiatur et inter congeneres omnium saluberrimi habentur. Hi fructus toti constant parvis folliculis, facile et quidem sine diruptione pelliculae separabilibus. Apud incolas insularum E-uwa sine Medioburgi, Namoka sine Rotterodami et Tongatabu sine Amstelodami, nomine *Meliya* distinguatur.



## 6. EUGENIA MALACCENSIS. Linn.

**E. foliis integerrimis, pedunculis ramosis lateralibus. M. S. V. p. 461.**

Haec arbor plurimis insulis oceani australis intra tropicos communis est, et praesertim colitur in Tahiti, congeriebus insularum Societatis, Marchionis, Sandvigii, nouarumque Hebridum. Fructus albicans est, roseo tinctus, pyriformis, interdum pugni fere magnitudine, sed plerumque multo minor, ex acido saccharatus, aquosus et succosus; salubris itaque et etiam aegros morbo inflammatorio decumbentes refrigeratione confortans. Corticem tritum et in lacte acido epotum Rheedius inter antidysenterica laudat. (Hort. Malab. I. p. 30.) Nucleus in centro drupae solitarius est; perperam Parkinsonius (Journal p. 40) pericarpium seminibus factum dixit. Arbor magna et procera, foliis maximis umbrosa, taheitenfibus *Heiya* vocatur. Dubito an praeter hancce speciem etiam *Eugenia Jambos* inter plantas insularum australium ciuitate donanda sit.

## 7. FICUS ASPERA. F.

**F. foliis oblique cordatis, sinuato-dentatis, vtrinque asperis: fructibus turbina-  
tis, calycis margine obsoleto adnato.  
F.**

Arbor quatuor siue quinque orgyiarum altitudine, foliosa, ramis articulatis.

Folia alterna subpetiolata, ouato-cordata, acuminata, sinuato-dentata, disco interiore angustiore, vtrinque aspera, pilosa, patentia, spithamea. Petioli breuissimi, alterni, sparsi, teretes, superius sulco exarati,



*Receptacula* axillaria, gemina, sessilia, turbinate-globosa, extus sericeo-tomentosa, alba, magnitudine *Ficus Caricae* Linnaei, carnosa, succosa, saporata. Calyx communis nullus; sed margo obsoletus integer vix bi seu tridentatus, receptaculum in ea regione cingit, vbi magis dilatari incipit.

Colitur in hortis et arboretis **Tannae** insulae. Fructus dulces, grati, crudi comeduntur. Folia juniora cocta indigenis saporatum olus praebent.

Confer: *Rheed. Hort. Mal.* p. III. t. 62.

### 8. FICUS GRANATUM. F.

**F.** foliis ovatis integerrimis: pedunculis terminalibus, geminis horizontaliter divergentibus, fructibus calyculatis, globosis. **F.**

Habitat cum praecedente in **Tanna**, similiter culta, propter fructum edulem, dulcescentem, aquosum, subinsipidum.

Arbo procera umbrosa, caudice multangulo toroso. Rami omnes ascendentes, longi, teretiusculi, subarticulati, cinereofusci, inaequales, ramulis teretibus articulatis, apice tantum foliosis.

Folia conferta alterna, petiolata, ovata, integerrima, glabra, venis raris flavis, supra intense viridia, inferne lucidiora, spithamea et ultra, patentia. Petioli teretiusculi, glabri, patentes, longitudine quadrantis foliorum. Gemmae terminales arctiores spiniformes, totae pilis badiis vestitae.

Pedunculi axillares folii supremi et proximi, gemini, crassi, brevissimi, teretes, horizontaliter divergentes.



Receptacula globosa, magnitudine *Ficus Caricas* superant, subpubescentia, rosea, maculis flavis conspersa, intus purpurea, pulposa, mollia.

Calyx communis triphyllus, foliolis ovato subrotundis parvis.

9. *FICUS INDICA?* Linn.

*F. foliis lanceolatis, integerrimis petiolatis, pedunculis aggregatis, ramis radicantibus. M. S. V. p. 922. n. 7.*

Arbor in Tanna, novarum Hebridum insula, umbrosa, excelsa. propter fructus parvulos et insipidos colebatur. Hi ex eodem puncto seu cicatrice caudicis plures aggregati proueniebant, ita vt totus truncus iisdem confitus esset. Descriptionem huius speciei ex meis Schedis deperidi; an cum *Ficu indica* Linnaei merito coniungenda sit, etiamnum dubito. Eiusdem forte speciei est *Ficus* in Tongatabu sponte nascens, cuius fructibus *Cerasi* minoris magnitudine incolae vesciebantur, et iisdem nomen *Matte* imponebant, quod in o-Taheiti diuersae prorsus speciei, nempe *F. tinctoriae* proprium. Cook. it. nouiss. Vol. I. pag. 332.

10. *PANDANUS ODORATISSIMA.* Linn. *M. S. V.* p. 878.

*Athrodactylis spinosa* Forst. *Charact. gen.* 75.

Radix. Caudices plures descendentes, divergentes, altitudine semiorgyali supra terram elevati, simplices, teretes, glabri, brachii crassitie, apice, vbi terram intrant, fibris aliquot praediti.

Trun-





Truncus arboreus bi seu triorgyalis, crassitie femoris, teres laevis, annulis eleuatis approximatis notatus, erectus, interdum ramosus, cortice tenui cinereo, ligno spongioso. Rami subdichotomi, erecto patentes, saepe diuaticati, teretes, e casu foliorum annulati, apice foliosi.

Folia terminalia confertissima tristicha vel tetrastricha, sessilia, ensata, longissima, acuta, extus carinata, aculeis antrorsum versis confertis in margine et carina vndique spinosa, venis transuersis rectis carinae perpendicularibus notata, glauca, tripedalia, basi binos pollices lata.

Pedunculus terminalis, nutans, teres, glaber, bipedalis, Thyrso decomposito, candido, pedunculis partialibus palmaribus, teretibus varie ramosis glabris, pedicellis pollicaribus, teretibus, erectopatentibus, staminibus confitis.

♂. Flores masculi. Bractee alternae, lanceolatae, tenerae, erectae, margine ferratospinosae, candidae, sesquipedales, florum thyrsos colligentes, loco spathae.

CAL. }  
COR. } nulla.

STAM. *Filamenta* plurima (duodecim ad triginta) pedicellis sparsim infidentia brevissima. *Antherae* oblongae, acutiusculae, erectae, filamentis multo longiores.

♀ Flores feminei in diuersa arbore. Folia terminalia quatuor ensata, dorso et margine ferrato spinosa, pedalia, conniventia, spatharum vices agunt.



CAL. *Spadix* terminalis subglobosus, fructificationibus numerosis tectus, viridis, spathis non inclusus. Perianthium nullum.

COR. nulla.

PIST. *Germina* numerosa, cuneiformia, apice convexa, interdum tuberculata, receptaculo conico sive globoso infidentia.

*Styli?* rudimenta aliquot brevissima, in apice cuiusvis germinis vel e centro prodeuntia vel etiam in quolibet tuberculo germinis, solitarie dispersa.

PER. Fructus subglobosus, maximus compositus. *Drupae* numerosae, cuneate, apice convexae, lateribus angulosae; farinaceae, non permae.

SEM. Solitarium, ovale, laeve, magnitudine nuclei olivae, in centro cuiusvis drupae.

Varietates: a) fructibus tuberculatis discretis. *Hort. Mal* p. jj. t. 6.

β) fructibus convexis apice discretis, *H. M.* p. jj. t. 7.

γ) fructibus convexis, trifulcis connatis. *H. M.* p. jj. t. 5.

δ) fructibus convexis spinosis umbilicatis congestis. *H. M.* p. jj. t. 8.

Arbor littorea, fabulosa amans, sponte crescit in oris maritimis insularum fere omnium intra tropicos, etiam demersarum; fructu et foliis Bromeliae quodammodo similitudinem prae se fert; caudice singulari, apice tantum frondoso, palmis affinitate iungitur eodem ac torte maiori jure quam *Stratiotes* et *Vallisneria*. Flores masculi pollent odore fragrantissimo, sed

sed dantur etiam varietates inodorae. Arabes et Zeylonenses propter hunc odorem Pandanos masculas colunt; Indorum mulieres, praesertim insulas orientales in habitantium capillos polline antherarum odoratissimo conspergunt; folia floralia autem et thyrsi racemulos in cistis inter vestes reponunt. Ternatenses eosdem flores nondum apertos cum carne et piscibus oleris loco coquunt. Bandanenses folia vulneribus imponunt, in australis autem oceani insulis floreae inde fiunt. Fructus in India ab Elephantibus vorantur; in o-Taheiti et circumjacentibus insulis a pueris exfugillari solent; si Artocarpus defecerit, etiam adulti iisdem vescuntur. Sunt colore extrorsum toti aurantii, intus flavi, odorem gratissimum et aromaticum fragorum vel Bromeliae Ananae spargunt, substantiam pulposo-farinaceam, saporis primum dulcescentis deinde adstringentis austeri; vires stypticas iis inesse docuit Rheede in Hort Malab. Fructus taheitisibus *c-Vara*; flores masculi *Hinanno*.

## II. MORINDA CITRIFOLIA Linn.

*M. arborea, pedunculis solitariis. M. S. V. p. 217.*

Inter fructus edules insularum australis oceani succedanei locum occupant huius arbusculae baccae, quae Taheitisibus *Nono* vocantur, et pro cibo vsurpantur deficiente artocarpi annona. Ex Cookii novissimo itinere cognovimus hosce fructus, qui crudi viridi-flavescentes, aquosi et insulsi sunt; coctos, sive in fornace subterranea assatos, saporem gratum acquirere. Haec Morindae species in hisce regionibus spontanea est, cum passim et quidem in desertis etiam insulis reperitur. Baccarum vires anodynas laudat Rumphius in Herb. amb. j. p. 159.



12. SOLANUM AVICULARE. F.

S. caule inermi fruticoso, foliis sinuato-pinnatifidis: corymbis terminalibus. F.

Huius baccae fulvae, pruni majoris magnitudine, acidae, parum dulcescentes subnauseosae, ab incolis Novae Zeelandiae avide vorantur, aviculis etiam gratissimae neque nostratibus omnino rejiciendae. Habitat sponte in Novae Zeelandiae dumetis ruderatisque.

Caulis fruticosus, erectus inermis ramosus, semiorgyalis. Rami herbacei, laeves, subteretes, crassitie fere digiti, breves.

Folia alterna, petiolata, sinuato-pinnatifida, inferius acuminata, pedalia, laciniis lanceolatis oppositis, trium parium cum impari, laevibus integris, saturate viridibus, palmaribus. Petioli semiteretes, laeves, patentes, sparsi.

Corymbi terminales duo sive tres, pauci-flori. Pedunculus universalis teretiusculus erectus, palmaris; partiales sex seu septem, sparsi uniflori, teretes, laeves, patentes, elevatione proportionali, pedunculo universalis quasi per articulationem impositi. Flores violacei, pollicares, staminibus flavis.

CAL. *Perianthium* turbinatum quinquefidum, laciniis brevibus acutis.

COR. monopetala plicato-rotata, tubo brevissimo, laciniis quinque margine plica auctis.

STAM. *Filamenta* quinque corolla breviora. *Antherae* in tubum conniventes.

PIST. *Germen* oblongum. *Stylus* longitudine staminum. *Stigma* breve bilabiatum.

PER. *Bacca* ovalis, aurea, bilocularis.

SEM. plurima nidulantia.

### 13. ACHRAS DISSECTA F.

A. floribus confertis, corollis octodecim-  
fidis: foliis obovatis emarginato-retu-  
fis. F.

A. dissecta. M. S. V. p. 342. *Linn. Suppl.*  
*pl.* p. 210.

Manyl-kara. *Rheed. Hort. Mal. part* jii.  
p. 53. t. 25.

Advena in hortis Malabarorum colitur nomine *Manylkara*, sive *Karae manilensis*, cum ex insulis philippinis allatam adseverent. Fructus huius arboris est pomum, forma et magnitudine olivae, oblongum, viriditens, viscido et lacteo succo refertum, maturius purpureum, intus rufum, succulentum, carne acido-dulci, semen unum alterumve continens (reliquis loculamentis abortientibus), nucleo albo amarisculo. Hi fructus ibidem inter bellaria comeduntur. Folia cum curcumae radice et zinziberis foliis cocta et contusa ad cataplasma contra tumores adhibentur, Brachmanis *Manil-gale* (sed in tabula aenea nomen adscriptum *Vanvalli*), Lusitanis *Fruita Manilha*, Belgis *Loe-bessen* sive *chinesche pruynen* vocantur; quod etiam apud Sinas crescant. Arborem proceram, caudice crasso, ramis longe lateque comatam dixit Rheede. Mihi semel visa est in Tongatabu insula, mense Septembri florens; fructus autem tunc temporis nullos perficiebat. E specimine sicco, quod pater optimus nobilissimo D. Baec, Regis Sueciae Archiatro cum plurimis aliis dono miserat, Linnaeus, filius, descriptionem, quamvis imperfectam collegit, simul



simul et nomen rescivit, quod huic plantae imposueram; inventorem ~~in~~vide sedulo reticuit.

Caulis arboreus, erectus, cortice cinereo-rufescente, tuberculato tectus. Rami lignosi, horizontali-ascendentes, teretes, tuberculati, cubitales (in nostro specimine). Ramuli erecto-ascendentes, secundi, teretes, tuberculati, apice foliosi, spithamei,

Folia sparsa, conferta, petiolata, oblongo-obovata, apice submarginata, integerrima, erecto-patentia, glabra, coriacea, supra dilucide viridia, subtus pallidiora, bipollicaria. Petioli teretes, tenues, erecto-patentes laeves, fere pollicares.

Pedunculi uniflori conferti, vndique e ramulis inter folia prodeuntes, filiformes, patentes, saepe horizontaliter-dependentes, numerosi, longitudine petiolorum. Flores albi diametro semipollicari.

CAL. *Perianthium* hexaphyllum, patens; foliolis ovatis obtusis, tribus exterioribus viridibus, interioribus tenerioribus albis.

COR. monopetala, octodecimfida. Laciniae sex majores lineares erectae, lateribus involutae, calyce longiores, stamina ante eruptionem foventes; duodecim dimidio minores, per paria inter majores positae, lineares, acuminatae, extrorsum revolutae. *Nectaria* e foliolis sex ovatis acuminatis inter lacinias majores corollae ad basin minorum positae, erectis.

STAM. *Filamenta* sex, subulata, erecta, ante apicem parum inflexa, longitudine calycis. *Antherae* incumbentes, lineares, acutae, basi bipartitae.

PIST. *Germen* superum, exiguum, multiloculare. *Stylus* corolla longior, filiformis, parum curvatus. *Stigma* capitatum.



PER. } non vidi, sed baccam sive pomum e ger-  
SEM. } mine fieri ut in congeneribus, ex descrip-  
tione Rheedii constat.

Partes herbaceae huius arboris omnes lactescunt. Inter spontaneas harum insularum retuli, incius, an fructus ab incolis pro cibo usurpentur.

#### 14. CRATAEVA RELIGIOSA. F.

##### C. inermis, foliolis aequalibus F.

Reperitur ad Coemeteria insularum o - Taheiti et Societatis, culta et deorum numini sacra. Fructus profert minus sapos, edules tamen, quales Crataeva Tapia Linnaei, teste Rheedio; huic speciei etiam nimis affinis est; an cum eadem vitro conjungenda sit, dijudicent qui Tapiam observarunt. Nostra apud taheitenfes e - *Pura-au*, sive *Purataruru* vocatur.

Truncus arboreus, mediocris altitudinis, erectus, ramosus. Rami patentes, teretes, adscendentes, lignosi, cortice oliuaceo, punctis elevatis albidis asperso.

Folia sparsa, petiolata, ternata: foliola ovato-lanceolata, acuta, acuminata, integerrima, glabra, tenera nervis venisque plurimis reticulata, spithamea; lateralia parum minora margine antico angustiore (sed non brevior) horizontaliter patentia. Petioli communes sparsi, patentes semiteretes, laeves, palmares; partiales brevissimi.

Cyma terminalis subcorymbosa, semipalmaris; interdum flores solitarii ex axillis foliorum summorum. Pedunculi uniflori teretes, laeves, laxi, palmares, patentes, basi crassiusculi: Flores sesquiunciales, exalbido virentes, staminibus rubicundis.



CAL. *Perianthium* margine inflexo receptaculum basi umbilicans, quadrifidum, laciniis lineari-oblongis, acutis, longitudinaliter rugosis.

COR. *Petala* quatuor (demto colore folia perfecte mentiuntur) erecta, ovato lanceolata, integerrima rachi dorsali venisque reticulata, laxa, tenera, candida, bipollinaria; unguibus calyce vix brevioribus, virentibus intus canaliculatis, extus convexis.

STAM. *Filamenta* sedecim, filiformia receptaculo inserta (nec gynandra) erecto patentia, petalis paullo longiora. *Antherae* oblongae, versatiles, inclinatae, e flavo rubicundae.

PER. *Germen* oblongum, pedicello longitudine staminum filiformi elevatum. *Stylus* nullus. *Stigma* sessile, plenum, obtusum.

PER. Bacca? oblonga, bivalvis? unilocularis, pedicello ad palmarem longitudinem elongato infidens.

SEM. oblongo - ovata, parieti valvularum affixa. —

## 15. CORIARIA SARMENTOSA. F.

C. procumbens diffusa, foliis cordato-ovatis acuminatis integerrimis quinque-nerviis, subpetiolatis: racemis axillaribus elongatis nutantibus. F.

Habitat sponte in fruticetis et dumetis Novae Zelandiae. Barbari huius regionis incolae, in prius ii, qui portum obscurum (Dusky bay) accolunt, baccatos fructus huius fruticis colligunt, et iisdem vescuntur.

Cau-



Caulis fruticosus, vix arborescens, diffusus ramosissimus, sarmentis elongatis decumbentibus, tetragonis, laevibus, virescentibus, foliatis.

Folia opposita subcordato-ovata, subpetiolata, inferiora subsessilia, omnia integra acuminata acuta, horizontalia, laevia, quinque-nervia, palmaria. Petioli teretiusculi brevissimi.

Pedunculi axillares foliorum superiorum, solitarii, reclinati, spithamei; racemus simplicissimus longus cylindraceus nutans, pedicellis unifloris sparsis, teretibus, filiformibus, laevibus, erectis, semipollicaribus, bracteatis.

Bracteae brevissimae minimae ad basin pedicellorum extrorsum positae solitariae. Flores minuti virides, hermaphroditi.

CAL. *Perianthium* inferum, persistens breve, quinquepartitum, foliolis subrotundis concavis adpressis.

COR. *Petala* quinque viridia, ovata, patentia, calycem longitudine aequantia.

STAM. *Filamenta* decem capillaria corolla longiora. *Antherae* ovato-erectae, longitudine calycis.

PIST. *Germina* quinque depresso-coalita. *Styli* quinque filiformes acuti, patentes reflexi decidui, longitudine staminum. *Stigmata* simplicia.

PER. Bacca globoso-depressa, quinquepartita atro-purpurea, e petalis carnosis, conniventibus, semina tegentibus.

SEM. quinque reniformia, striata, glabra.



Nobis haecce species semper floribus hermaphroditis visa est. nusquam vero masculi aut feminei sexuum reperiuntur.

## II.

### N U C E S.

#### 16. COCOS NUCIFERA Linn.

*C. inermis*, frondibus pinnatis: foliolis replicatis ensiformibus. *M. S. V. p.* 985. n 1.

Insulae oceani australis quae intra tropicos sitae sunt, fere omnes hanc utilissimam palmam ferunt, humiles etiam illae, quae vix superficiem solum supereminent et lithophytorum aedificiis superstructae sunt, ut plurimum harum arborum altissimarum coma condecorantur. Spontaneis igitur harum regionum vegetabilibus easdem adnumerare non dubitamus, licet etiam cultae ibidem dentur varietates, quas ut exempla in novis hebridibus docent, hominum cura nobilitavit, et praesertim ad rem cibariam meliores reddidit. Haec varietates notis exterioribus tamen minus ab invicem dignoscendas, disertis verbis enarravit Clarissimus Rumphius, qui simul de usu harum arborum multifario fusius disseruit. Heic loci meminisse sat erit, nucibus *Cocos* triplex inesse alimentum, nempe junioribus lympham saccharatam, maturo fructu in materiam spongiosam cotyledonis novi furculi coagulabilem; in adultioribus autem nucleum candidissimum dulcissimum fragrantem, amygdalos longe praecellentem, primum mollem gelatinosum lacteum, deinde perfecta maturitate duriusculum, oleosum, ultimo deinceps loco ipsum huius nucleii ole-



oleum, blandum, purum, dulce, variis ferculis admiscendum, nec non ad usus medicos cunctos idoneum, ubi oleum amygdalorum adhiberi solet. Incolae praeprimis insulae Taheiti et adjacentium insularum Societatis hocce oleum imbutum odoribus variis, quorum pretiosissimus, et fragrantissimus e ligno Santali extrahitur, pro unguento caesariei sive etiam totius corporis usurpant, eodemque omnia membra crebro perfricare solent. Ipsum nucis putamen, durissimum in adulta, in juniore tamen ante nucleï formationem molle, instar caulium brassicae edule est. Omnium porro palmarum cor sive caput ut vocant, ad trunci summitatem, pedes binos vel tres longum, rudimenta frondium et fructificationum anni insequentis laminis tenuissimis convolutis fovens, itaque pro gemma vere habendum, optimum alimentum praebet, nuci coryli avellanae et pedunculo brassicae cauliflorae palmam eripiens; sed hoc sine arboris destructione obtineri non potest. De vino palmarum quod colligitur e spadicis nedum erupti vulnere, cum id hominibus australiae haud innotuerit, ut et de multiplici materiei, frondium, foliolorum, fibrarum, nunquam ad rem familiarem et mechanicam usu quaecunque differi possent, utpote citra nostrum propositum praetermittenda sunt. Taheitenibus *Ari*, nuces juniores *Nia*.

17. CORYPHA VMBRACVLIFERA *Lim.*

C. frondibus pinnato - palmatis, plicatis  
filoque interjectis, stipitibus ciliato - spinosis. *M. S. V. p. 984.*

Huius folium semel vidi in Waitahu, sive Christianae insulae archipelagi marchionis mendozae; palmam ipsam deinde, sed minus frequentem in Tonga-



tabu, amicorum insula reperit Cookius (vide Itin. noviss. Vol. I. p. 332.) incolis *Biu* dictam, qui nuces eius globosas parvulas inter edulia habent.

18. INOCARPVS EDVLIS. F. M. S. V. p. 408.

Taheitenfes huius arboris fructum *Rattá* vocant, ipsam arborem *Hi* appellant, quod a voce *If* apud Papuanos in Nova Guinea usitata non admodum differt; nuces *E-ifi*, quas Cookius in novissimo itinere Tom. I. p. 393. commemorat, ad Inocarpum quoque procul dubio referri debent. Earum nucleus reniformis, compressus, pollicaris circiter diametri, assatus et decorticatus ab insularum Societatis, Amicorum, marchionis, novarum Hebridum, novae Guineae et moluccarum incolis comeditur. Nostrates hanc nucem castanearum loco habebant; sapor tamen minus gratus est, licet dulcescens; substantia durior, minus farinosa, ventriculo debiliori non conducit. Vires plantae et praesertim corticis adstringentes, alvum obstipant, et dysenteriam sistunt; quare etiam ad hunc scopum in nosocomio amboinensi decoctum aquosum corticis crebro adhibetur, teste Rumphio; licet hoc medicamine aegrorum vita periclitari potius quam sanitas restaurari videatur. Papuani succo expresso glutinoso, resinoso telorum apices obliniunt, hoc autem gluten exsiccatione nigrum colorem induit. Forte et resinosum illud, quo sagittas Mallicollensium obductas vidimus et quod illorum astutia pro veneno nobis venditabat, ex Inocarpi succo pariter praeparatum erat. Nomen arboris apud Mallicollenses *Nias* audit, apud insulae Tannae indigenas *Emmer*. Inocarpum arboribus cultis in hisce regionibus vix adnumerarem, etsi in societatis insulis forte colitur.

Arbor excellē, crassitie corporis humani, cortice fusco rimoso. Rami lignosi tereres, patentes, varie divisi, sulci, rimosi.

Folia alterna subdisticha, petiolata, ovato-oblonga, vix cordata, obtusa, retusaque, rarius acuta, integerrima laevia, patentia, venis plurimis reticulata, spithamea, (juniorum arborum pedalia). Petioli teretiusculi patentes, laeves, transversim striati, semipollicares.

Pedunculi universales axillares, subfolitarii, teretes, patentes pube nigra tecti, palmares. Racemus filiformis simplicissimus. Pedicelli brevissimi, sparsi, conferti. Flores obscure albidī, vix semunciales. NB. Racemus in Linn. Suppl. pl. p. 239. perperam Spica vocatur.


CAL. *Perianthium* monophyllum bifidum, laciniis subaequalibus, rotundatis, pube nigra vestitis.

COR. monopetala tubulosa. *Tubus* cylindricus longitudine calycis. *Limbus* quinque vel sexpartitus calyce longior, laciniis linearibus undulatis patentireflexis.

STAM. *Filamenta* decem vel duodecim brevissima, tubo duplici serie inserta, ordine superiore in ipsa fauce, cum inferiore alternante. *Antherae* parvae, ovatae, erectae.

PIST. *Germen* oblongum villosum. *Stylus* nullus. *Stigma?* punctum exiguum excavatum.

PER. *Drupa* magna, reniformis vel ovata, compressa viridis, monosperma, pulpa carnosā tenui.



**SEM.** *Nux* solitaria, ovata, constans e fibris lignosis, crassioribus intertextis: nucleo ovali, compresso, albo.

**OBS.** Pili in germine, an stylorum vices agunt?

**19. TERMINALIA CATAPPA. Linn.**

**T.** Foliis obovatis, subtus tomentosis. *M. S. V.* p. 910.

In hortis insulae Tannae semel hanc arborem vidimus, mense Augusto sive sub finem brumae foliis orbam, fructu maturo in ramulis haerente. Arbor erat vasta, et excelsa. Drupa tripollicaris, ovata, sulcata, nucleo oblongo, avellanae nucis sapore, quare etiam in Banda et Batavia inter obsonia cum aliis fructibus mensae apponitur, ab Europaeis enim pluris existimatur, quam ab indigenis, quippe qui vilipendunt quicquid ventrem non adeo implet. Apti sunt hi nuclei, qui amygdalorum loco adhibeantur, sed oleo tam copioso non pollent. Plantari solent huius generis arbores circa aedes in areis amplis, ubi sedilia collocantur, propter densam lateque extensam quam praebent umbram. Materies extruendis navigiis idonea, levis enim est et in aqua marina per multos annos perdurat. Cortex et folia nigrum pigmentum praebent, quo dentes Indorum inficiuntur, nec non atramentum Indicum inde componitur. Hanc arborem ter singulis annis maturos fructus perferre auctor est Rheede.

**20. TERMINALIA GLABRATA F.**

**T.** foliis obovatis, utriusque glabris. *F.*

Differt a *Terminalia Catappa*, foliis in pagina inferiore pube destitutis, duplo minoribus, nuce triplo



plo minori glabra, ovali, minime fulcata, neque marginata, sed apice acuto, compresso et membranaceo quasi appendiculata: differentias essentialia curatior instituta comparatio forte suppeditaret; sed T. Catappam, ut supra monui, nonnisi foliorum et florescentiae ornatu spoliata vidimus.

Haec nostra species autem colitur ad tuguria et coemeteria insularum societatis; in amicorum insulis mihi sponte provenire videbatur. Taheitenium lingua vocatur *Auwiri*, sive etiam *e-Tara-iri* et *e-Tara-beiriri*. diisque sacra habetur. Materies pro extruendis cymbis, tympanis, scamnisque usurpatur. Nuclei edules sunt et instar amygdalarum gratum saporem habent. Arbor excelsa, ramosa, diffusa, ramis suboppositis, teretibus, patentibus, laeviusculis, cortice cinereo rimoso.

Folia terminalia, conferta, petiolata, ovata, obovataque, obtusiuscula, integerrima, patentia, glabra, laevia, spithamea; petioli teretes, patententes, villo brevi rufescente vestiti, vix unciales.

Pedunculi axillares foliorum summorum, simplices, teretes, filiformes, erecti, apice deflexi, glabri, spithamei. Racemus simplicissimus, floribus sparsis albidis: masculis in parte suprema pedicellatis; hermaphroditis in parte infima simillimis sed revera sessilibus, cum ipsum germen inferum vices pedicelli agat, reliquas partes fructificationis elevantis.

#### ♂. Flores Masculi.

CAL. *Perianthium* campanulatum, quinquefidum laciniis ovatis, acutis, aequalibus, erectis.

COR. nulla.



*Nettarium* urceolatum in fundo calycis, constans corpusculis quinque minutis brevibus, duriusculis, pilis crebris longioribus vestitis, calyce dimidio brevioribus.

STAM. *Filamenta* decem subulata, erecto patentia, fundo calycis inserta, horum quinque exteriora longitudine calycis, interiora minora. *Antherae* ovatae, didymae, erectae.

♂. Flores Hermaphroditi numerosi usque ad dimidium racemum.

CAL.

COR.

Nect.

STAM.

} omnino ut in flore masculo.

PIST. *Germen* inferum, sessile, ovato-oblongum, basi incrassatum. *Stylus* superus, e fundo calycis, villo nectarii cinctus, filiformis, erectus, longitudine staminum. *Stigma* simplex.

PER. *Drupa* ovalis, sessilis, acuminata, apice marcescente, compressa, viridis, monosperma.

SEM. *Nux* ossea, ovalis, nucleo solitario, oblongo, albo.

21. MABA MAIOR. F.

M. — — —

Huius fructus cum illo Mabae ellipticae nostrae in omnibus convenit, praeterquam quod triplo maior sit, bipollicaris scilicet, in loculamentis fovens nucleos triquetros, tenaces et insipidos, tamen inter edulia ab incolis usurpatos. Incolae insularum Tongatabu





gatabu, Namoka, E-uwa, Hapa-i, et ceterarum quae ad archipelagum amicorum pertinent, hanc arborem teste Cookio in noviss. itin. tom. I. p. 393. circa tuguria plantare solent. Nobis non nisi drupa, ab incolis iisdem venum asportata innotuit, cui nomen *Maba* imposuerunt.

22. STERCULIA BALANGHAS. Linn.

S. foliis ovatis integerrimis petiolatis, floribus paniculatis *M. S. V.* p. 866. n. I.

In Tanna insula, e novarum Hebridum congerie, hanc arborem hinc inde in nemoribus reperi, exunte hyeme florum paniculas et foliorum novam progeniem e gemmis exserentem, fructibus praeteriti anni adhuc in ramulis persistentibus. Cultis forte adnumerari debet cum eius nuclei, iuxta Rumphii testimonium non solum assati edules sint, et ab Amboinensibus in hunc usum adhibeantur; sed et capsulae combustae pigmentum *Cassomba* dictum praebeant, cuius frequens est usus apud hosce populos.

23. STERCULIA FOETIDA. Linn.

S. foliis digitatis. *M. S. V.* p. 866.

Huius cum praecedente eadem est ratio, et usus idem. Semel visa est, et quidem culta, in Tanna insula.

---

III.

R A D I C E S.

24. CONVULVULVS CHRYSORRHIZVS. *Solandr.*

C. — — —

D 4

Con



Convolvuli species radice magna, tuberosa, farinacea, intense fulva, nauseoso-dulcis, in oceani pacifici, insulis intra tropicos sitis non solum, sed etiam extra tropicum in Paschatis insula (Ostereiland) et in Novae Zeelandiae regionibus borealioribus passim inter plantas cultas reperitur. Hanc pro varietate Convolvuli Batatae habui, b. Solander autem qui etiam herbam et florentiam vidit, ad novam speciem petulit, cui nomen Convolvuli chrysoorrhizi imposuit, teste Parkinsonio (Journal. p. 37.). Quod si cum Rumphio credimus Convolvulum Batatam Linnaei ante adventum Hispanorum ex America meridionali, in Philippinis et Moluccanis insulis prorsus ignotum incognitumque fuisse; inde novo argumento Illustris Solandri sententiam confirmari intelligimus. C. Batatas enim apud incolas insularum Amboina, Banda, Ternate, Baly, cognomine adiecto *Castela* distinguitur, quo eundem ab hispanis (castilianis) acceptum indignant. Tabaitensibus autem et reliquis oceani australis gentibus illa species, quae harum insularum propria videtur, *Umara* audit, vel cum adspiratione *Gumarra* aut *Gumalla*.

25. DIOSCOREA ALATA. Linn.

D. foliis cordatis (oppositis) caule alato bulbifero. *M. S. V.* p. 888. n.

*Ubi* vulgare, digitatum, anguinum, anniverfarium, ovale. *Rumph. amboin. V.* t. 120. 121. 122. 123. 125.

Synonyma omnia heic enumerata utique referri debent ad D. alatum, cui nomen *fativae* meliori iure competit, quam illae speciei foliis alternis, quam b. Linneus, nescio qua inductus ratione *fativam* denomi-



minavit. Haec enim *D. alata* Linnei tam in India orientali, quam occidentali, nec non in Africa aequinoctiali et etiam passim in oceani australis insulis intra Zonam torridam, immo usque ad Novam Zelandiam, ab incolis colitur ob sapidissimas saluberrimasque radices, quae tostae aut simpliciter coctae panis loco adhiberi possunt.

Ubi vulgare Rumphii (t. 120.) quod Linneus inter synonyma *D. oppositifoliae* retulit, certo certius ad *D. alata* pertinet, et enim folia cordata et caulem alatum et bulbos in caule (p. 347.) gerit.

Radix saepe tripedalis est, et triginta librarum ponderis, crassitie femoris, cortice nigro, carne alba seu purpurascete, viscida, post coctionem farinacea. Succus radicum recens acris est, et in cute pruritum excitat. Nucleus Cocos raspatus cum Musae pulpa et Dioscoreae radice commixtus, frixusque in formam pultis, Tahaitensibus in deliciis habetur. Varietas radicibus subdigitatis, Rumph. t. 121. frequens occurrit in Amicorum insulis, ubi etiam anguinam istam Rumph. t. 122. vidimus, et aliam, cuius radices minusculae pondus unius librae vix superabant, cortice cinereo-albido (Cook. it. noviss. l. c.). In omnibus hisce insulis malaico vocabulo *Ufi* sive *Ubi* notissima est.

## 26. ARUM ESCULENTUM. Linn.

**A** acaule, foliis peltatis ovatis integerrimis; basi emarginatis. *M. S. V.* p. 827. n. 7.

Indigenae insularum australium in huius radice opetosa cultura magnos labores subeunt; gaudet enim solo inundato primis mensibus, deinde in sicco



collocanda est, ope fossae circa campos ductae. Radix magna, tuberosa, nutrimentum commune horum hominum, acerrima est, crudaque oris pruritur et excoriationem causatur; in cinere autem fervido tosta, acrem hanc qualitatem amittit, fitque blandior et sapida; gravat tamen stomachum debiliorem, alvumque constipat. Folia disci vel orbis loco, quo cibi imponendi sunt, in India usurpantur, suntque superne glauca et instar ferici tomento imperceptibili mollissima. Javanice haec species vocatur *Tallas*, taheitenibus et novae Zeelandiae incolis *Tallo* sive *Tarro*. Reperitur passim in omnibus insulis oceani australis, intra tropicos, exceptis desertis et demersis; colitur etiam in novae Zeelandiae extremitate boreali. *Kelady fativum* Rumph. herb. amb. tom. V. p. 313. t. 109. ad hanc speciem potius quam ad *A. Colocasiam* pertinere videtur.

27. ARUM MACRORHIZON Linn.

*A. acaule*, foliis peltatis cordatis repandis: basi bipartitis. *M. S. V.* p. 827. n. 8.

*Arum fativum* Rumph. amb. V. t. 106.

Colitur passim cum praecedente. Radicem seu potius stipitem habet maximum, brachii crassitie et longitudine, quo elixo et a volatili acredine liberato indigenae vescuntur. Folia maxima amplissima, utrinque nitida, glabra, laete virentia. Fructificatio a caractere generico aliquanto recedit, flosculis in spadice omnibus et singulis hermaphroditis.

COR. nulla.

STAM.

STAM. *Filamenta* nulla. *Antherae* sex, spadici adnatae, didymae, singulos stylos cingunt.

PIST. *Germe*n subrotundum. *Stylus* solitarius, brevis, crassiusculus, apice depressus. *Stigma*, macula orbiculata in apice styli.

PER. } — — —

SEM. }

Taheitensibus vocatur *Apè*; ceylanensibus *Haba-ra*; incolis insularum Amicorum et Sandvigarum *Kappe*.

28. TACCA PINNATIFIDA. F. M. S. V. p. 455. n. 1.

*Tacca sativa*, et *sylvatica*. *Rumph. amb. tom. V. tab. 112. 114.*

Radix tuberosa, tuberibus pluribus congestis, fibrillas hinc inde emittentibus.

Folium radicale subfolitarium, petiolatum, ternatum biternatumve, foliolis laciniato-pinnatifidis, acutis, laevibus, patentibus ad latera petiolorum subdecurrentibus, dodrantalibus pedalibusve. Petiolus teres, fistulosus, sulcatus, (in varietate domestica laevis, maculis fordidis variegatus) basi infusa scapum vaginans, patens, laevis.

Scapus semiorgyalis, herbaceus, fistulosus, versus apicem sulcatus, erectus. Umbella terminalis sessilis simplicissima. Involucrum circiter heptaphyllum, foliolis bipollicaribus, duobus exterioribus sessilibus, pinnatifidis, caeteris spatulatis laevibus, lamina subrotunda, apice acumine brevissimo. Peduncu-



li quatuor ad octo usque, fere longitudine involucri, simplicissimi, subangulati uniflori, patentes. Fila octo seu duodecim longissima involucri pluries longiora patentia, extra umbellam dependentia, intorta, pedunculis interjecta, bractearum loco adsunt.

**CAL.** Perianthium superum, hexaphillum, persistens, foliolis ovatis, acutis, erecto-conniventibus receptaculo insertis, tribus interioribus latioribus.

**COR.** *Petala* sex aequalia, calyce tecta, eoque dimidio breviora, fornicata, medio seu collo angustiora.

**STAM.** *Filamenta* duodecim brevissima seu vix ulla, petalorum cucullis, per paria inserta. Antherae oblongae, retrorsum arcuatae, unifulcae in medio dorso parieti fornicis petalorum per paria affixae, et ita arte approximatae ut binae unam referant.

**PIST.** *Germina* tria conniventia? vel saltem unum trilobum exiguum, *Styli* tres brevissimi. *Stigmata* obcordata biloba.

**PER.** *Bacca* sicca, nigra, ovata, rugosa, obsolete angulata, calyce coronata, trilobularis polysperma, dissepimentis exsiccatis: immatura hexangularis, carnosissima, diametro bipollicari.

**SEM.** plurima, ovata, compressa, striata, brunnea, pulpa exsiccata cohaerentia.

Radix Taccae cruda inter amarissimas acerrimasque jure habetur, tamen cultura hanc proprietatem aliquanto mitigavit. Rasura radice crudae, aqua subigitur, quae continuo abiecta et lotionem reiterata, farina tandem in fundo vasis dejicitur candidissima, amylo simillima, iterum bis terve abluenda, donec in  
aqua



aqua nulla degustari possit acrimonia. Farina ad solem exsiccat. Prima lixiviam sive infusam sollicitè abijciuntur, cum e radice noxias, immo lethiferas adeo qualitates in se susceperint. In Taheiti adjacentibusque Societatis insulis ex hac farina placentam gelatinosam praeparant, sapidam, et instar Salep, quod ex Orchide Morione (nec non O. militari et mascula) paratur, bene nutrientem. In Banda, moluccani archipelagi insula ubi panis e medulla Sagueri arboris factus non abundat, farinam Taccae in plagulis lapideis prius calefactis compingunt, pinsuntque placentam sive panem quadratum ipso Sagu meliorem. Vfus medicus huius radices apud eosdem homines viget, qui eandem emplastri forma vulneribus profundis, telo vel tribulo inflictis imponunt. Sylvestris varietas Taccae, phalli speciem parasiticam e radice prodeuntem sustinet, a Rumphio delineatam, nobis autem non visam. Varietas fativa taheitenfibus *Pia*, sylvestris *e-Vé* dicitur.

29. DRACONTIUM POLYPHYLLUM. Linn.

D. scapo brevissimo, petiolo radicato lacero, foliolis tripartitis, laciniis pinnatifidis. *M. S. V.* p. 829. n.

Colitur in locis umbraticis nemorosis insularum Societatis; taheitenfibus *Teweb* dictum; quod tamen nimis nomini Taccae silvestris consonum esse videtur.

Radix acris, sicut omnes huius ordinis (piperitarum); ab incolis comeditur, deficiente artocarpi annonae. An iisdem quoque vires huius radices medicae, quibus Japonenses, teste Thunbergio (*Fl. Jap. p. 234.*) abutuntur, innotuerunt? Gravis quidem, sed vix injuriosa suspicio, si ad milites istarum insularum Errioy dictos, respicimus, qui etiam recens enixos par-  
tus



tus amicorum iugulant, vt barbarae legi fatifaciant, de non fufcipiendis liberis.

30. DGIDGI, radix. (Jeejee)

31. MAWHAHA, radix.

Haec radices reperiuntur in amicorum infulis, atque cultura conveniunt cum Mufa et Aro. Mawhaha fapore radicibus folani tuberosi fimilis effe dicitur. Mentionem harum primus injecit Cook in noviff. itin. Vol. 1. p. 332. 393.

32. DRACAENA TERMINALIS. Linn.

D. herbacea, caulescens, foliis lanceolatis. *M. S. V.* p. 334. n. 4.

Radix cylindrica, praemorfa, brevis, fibrillas raras emitit. Caulis frutescenti - herbaceus, teres, erectus, e cicatricibus foliorum emortuorum quasi squamatus, fere orgyalis, faepe ramosus, ramis erecto patentibus, adfcendentibusque, faepe etiam nullus vel breviffimus, apice foliofus.

Folia petiolata, terminalia, conferta, ovato-lanceolata, acuta, acuminata, integerrima, laevia, multinervia erecta, glabra, bi feu tripedalia; petioli pedales five bipedales pollicem craffi, erecti, canaliculati, equitanti - imbricati, caudicis apicem veftientes.

Pedunculus femiorgyalis teres, laevis, erectifculus, crassitie digiti. Racemus decompositus, fpicatus, foliatus. Pedunculus vniversalis erecto - patens teres, laevis, fulcatus; partiales alterni, teretes, laeves, fultati, patentiffimi, pedales et ultra, partialiores ejusdem fitus et figurae fupremi fenfim minores, omnes fpicati. Flores fparfi, feffiles, confertiusculi, albi aut in varietate  $\beta$  purpurei, femipollicares. Stipulae? foliis





similimae, oblongo lanceolatae, scissiles, integerrimae  
extus ad basin pedunculorum solitariae, inferiores  
magis acuminatae. Bracteae tres subrotundae albidio-  
hyalinae, concavae, quarum extrema major, floris ba-  
sin vestiunt calycis loco.

CAL. nullus.

COR. Monopetala, basi cylindrica, profunde sex-  
partita, laciniis oblongis, obtusis, revolutis.

STAM. *Filamenta* sex subulata, petali laciniis fe-  
re breviora. *Antherae* sagittatae, basi bipartitae.

PIST. *Germen* superum, conico-ovatum, glabrum,  
apice poris tribus perforatum. *Stylus* subtrigonus co-  
rolla paullo brevior. *Stigma* trigonum simplex.

PER. *Bacca* irregulariter globosa, trilocularis po-  
lyisperma, nigra.

SEM. aliquot, arillo pulposo involuta, vt quasi  
vnum videantur, in quovis loculamento.

Varietas  $\beta$  *purpurea* foliorum venas, petiolos,  
pedunculos et flores purpureos habet. Terminalis  
domestica alba et purpurea, nec non angustifolia  
Rumph. Amb. IV. p. 79. 81. tab. 34. 35. omnes hunc spe-  
ctant. Idem celeberrimus auctor radicem huius ra-  
caenae contra Diarrhaeas et Dysenteriam praestantissi-  
mam laudat, quum vires potius in edulcorando et ob-  
tundendo quam in constringendo exferat. Incolis in-  
sulae o-Taheiti cibum praebet. Folia apud incolas  
insulae Ternate *Ngassi*, i. e. mendacia vocantur, quia  
binos colores, viridem nempe et purpureum exhibent;  
eadem si alicui mittuntur, illum pro mendaci decla-  
rant. Apud indigenas autem insularum in oceano pa-  
cifico huius plantae folia passim amicitiae et pacis sig-  
na ac pignora sunt. Diis ibidem sacra habetur, et in-



inprimis ad coemeteria et aras colitur. Tahaitice *Ti*,  
five *Tibi* i. e. anima.

---

#### IV.

#### O L E R A.

##### 33. DRACAENA INDIVISA. F.

*D. arborea*, foliis ensiformibus auctis, racemo (laterali?) composito. F.

Haecce arbor, cum proxime sequentibus, *Areca* oleracea et *sapida*, *Apio* graveolente, *Tetragonia* *halimifolia*, *Lepidio* oleraceo et *piscidio*, atque *Soncho* oleraceo inter praestantissimas plantas et culentas in terris austrasiae merito recenseri debet; licet eadem vix ab incolis et indigenis vsurpentur; sed Europaeis, maxime post longinquum iter maritimum *Scorbuto* laborantibus, saluberrima olera praebeant.

Haec *Dracaenae* species nascitur in sylvis ad portum *Novae-Zeelandiae*, australioris, cui nomen obscuri (*Duskybay*) *Cookius* dedit, in scopulis mari saepe proximis. Ejus baccae ni fallor ab incolis comeduntur: folia autem tenella convoluta, seu potius *hbernaculum* arboris ex apice trunci prodiens, pedale, inter folia reconditum, albo flavescens, blandum, medullosum, cum oleo et aceto inter optima acetaria jure habetur. Baccae mense maio sive hyeme ineunte maturescunt. In temperatioribus *Novae Zeelandiae* regionibus circa aestuarium *Reginae Charlottae*, altera *Dracaenae* species reperitur, quam heic praetermitto, eum eius in re cibaria vsus nobis non innotuerit.

Cau-



Caulis arboreus, teres, rimulosus, simplicissimus, indivisus, virens versus apicem foliis vestitus, bi seu tri-orgyalis.

Folia terminalia sessilia, semiamplexicaulia, basi imbricata, late ensiformia, membranacea, acuta, integerrima, patentia, longitudinaliter striata, laete virentia bipedalia, palmum lata.

Racemus compositus, lateralis ex alis foliorum (sed forsan folia jam seriora, seu secundi anni, prodierant), ovatus, nutans, racemis partialibus in formam cylindricam thyrsoidem digestis. Pedunculus universalis bi- seu tripedalis, teres, laevis, herbaceus, diametro sesquipollicari: partiales spithamei approximati, erecto-patentes, teretes, laeves, basi instructi foliolo lanceolato, pedunculi longitudine; undique sparsim e pedunculo universali prodeuntes. Pedicelli uniflori, brevissimi, horizontales. Bractee ad basin pedicelli duae, minimae, lanceolatae, acutae, concavae.

CAL. nullus.

COR. *Petala* sex oblonga, subreflexa, aequalia, basi cohaerentia.

STAM. *Filamenta* sex, subulata, fere longitudine petalorum, eorumque basi inserta. *Antherae* oblongae, incumbentes.

PIST. *Germen* superum. *Stylus* filiformis brevis. *Stigma*. — — —

FR. *Bacca* globosa, caerulea, supra punctis tribus excavatis notata, stylo persistente mucronata, trilocularis, polysperma.



SEM. in singulo loculamento circiter septem, arillo seu membranaria involuta, ut unicum crederes, atra, glabra, semilunaria, triquetra.

OBS. Character genericus Dracaenae in hasce duas species, *D. terminalem* Linn et *D. indivisam* nostram non perfecte quadrat, quum harum baccae plane polyspermae sint, quas tamen trispermas character genericus iuxta novissimam Systematis Linneani Editionem XIVtam p. 311. 33 requirit. Forte haec nota *D. Draconi* foli competit; vel etiam pro unico femine habebatur arillus feminibus factus. Anne essentialis differentia inter *Asparagi*, *Dracaenae*que genera in hocce arillo consistit?

#### 34. ARECA OLERACEA. Linn.

*A. foliolis integerrimis M. S. V. p. 986. n. 2.*

Hanc arborem semel vidimus in hortis insulae Tannae, sed tum temporis neque florentem, neque fructus proferentem. Veri tamen simillimum est, eandem propter fructuum ad rem cibariam usum ab incolis cultam fuisse. Eius gemma sicut praecedentis *Dracaenae* et omnium palmarum, edulis est, dulcis et delicatula, tanquam brassicae caules teneriores, aut *Cynarae* receptaculum. Ob defectum florescentiae eandem ulterius examinare non potuimus; ad hanc speciem amandandam esse, ex *Cel. Jacquini* descriptione conclusimus.

#### 35. ARECA SAPIDA. Solander.

A. — — —

Reperitur spontanea in nova Zeelandia usque ad aestuarium Charlottae reginae. et frequens in Norfolkiae insula deserta. Huius praecipue Cor sive Caput in



in deliciis est apud nautas Europaeos, et cum oleo et aceto parari solet. Nomen a b. Solandro mutuati sumus, cum neque fructum neque florescentiam huius palmae examini nostro subiicere nobis datum esset. Huius forte generis est *Niu-gula*, (Cocos rubra), Palma, cuius *Cookius* meminit in Tonga insula, *itineris novissimi* tomo I. p. 332.

36. APIUM GRAVEOLENS. Linn.

A foliis caulinis cuneiformibus. *M. S. V.*  
p. 292.

Abundat in novae Zeelandiae littoribus; legitur etiam in Paschatis insula, nec non intra tropicos in insulis demersis, sponte proveniens, incolis quantum scio, inusitatum, nautis vero scorbuticis gratissimum et maxime salutare.

37. TETRAGONIA HALIMIFOLIA. F.

T. herbacea, papulosa, foliis elliptico-rhombeis petiolatis, pedunculis axillaribus unifloris subsolitariis, fructu cornuto. F.

Habitat in Nova Zeelandia ad oras sylvarum in plagis fenticosis et arenosis, nec non intra tropicos in littore insulae Tongataba. Incolis inusitata, sed inter olera praestantissima collocanda. Iussu enim immortalis Cookii dum in portu moraremur, quotidie pro ientaculo et prandio cocta nautis apponebatur. Tota planta conspersa est punctis minutissimis crystallinis, quales in Atriplice, Chenopodiis, Mesembryanthemisque nonnullis observantur, unde papulosa vel etiam rorida dici posset. Descriptionem in solo natali conscripam non prorsus supervacaneam fore



arbitror, licet hanc nostram cum *T expansa* M. S. V. p- 467. n. 6. pro eadem specie declarare vix dubitem.

Caulis herbaceus, laevis, procumbens, ramosus, striis elevatis e marginibus petiolorum decurrentibus subangulatus, penna anserina parum crassior, debilis. Rami plures elongati, teretes, patentes.

Folia alterna subpetiolata, ovato - rhombea, obtusiuscula, integerrima, horizontalia, internodiis breviora, sesqui - pollicaria. Petioli tenues supra planiusculi, pollicares.

Pedunculi subsolitarii axillares uniflori brevissimi. Flores flavi.

CAL. *Perianthium* quadri - rarius quinque partitum, laciniis subaequalibus ovatis, subacutis, intus coloratis, una reliquis latiore magis rotundata.

COR. nulla.

STAM. *Filamenta* sedecim vel duodecim subulato - capillaria, calyce breviora. *Antherae* subrotundae didymae, erecto incumbentes.

PIST. *Germen* minimum. *Styli* sex, rarius quinque, filiformes, decidui, subreflexi, longitudine staminum. *Stigmata* simplicia.

PER. Drupa rudis, turbinata, sive obverse conica, carnosa, versus apicem tetragona sive pentagona, angulis productioribus acutis cornuta.

SEM. *Nux* ossea, loculamentis numero stylo - rum respondentibus monospermis. *Nuclei* solitarii, ovati, albi.



## 38. LEPIDIUM OLERACEUM. F.

L. foliis elliptico-oblongis acutis ferratis,  
floribus tetrandris. F.

Habitat in Novae Zeelandiae littori arenoso-  
inprimis ad aestuarium Charlottae, locis dumosis  
subumbraticis. Cum Apio et Tetragonia halimi-  
folia quotidianum olus nautarum erat, dum in hoc  
portu commorati sumus. Inter alimenta antiscor-  
butica nunquam satis laudandum, saporis blandi,  
paullulum acris, ad spinachiae vel etiam lactucae  
saporem accedentis, paullo flatulentum, alvum  
modice aperiens.

Caulis perennis, herbaceus, teres, laevis,  
erecto - ascendens, ramosus, ramis paniculatis, a  
pedali saepe in semorgyalem altitudinem excrefcens.

*Folia* sparsa, alterna, elliptico-oblonga, utrin-  
que attenuata, profunde ferrata, patentia, glabra,  
palmaria; superiora minora, apice tantum ferrata.  
Petioli (si hoc nomine malis vocare folii partem  
inferiorem angustiore) foliis dimidio brevioris,  
plani extrorsum carinati, caulem excipientes.

Pedunculi universales terminales, teretes, lae-  
ves, aphylli; Racemi simplices, sub inflorescentia  
coarctati, corymbosi, fructiferi palmares, cylin-  
drici. Pedicelli plurimi, sparsi, filiformes, teretes,  
patentes, semipollicares, uniflori. Flores albi,  
bilineares.

CAL. *Perianthium* tetraphyllum deciduum, foliolis  
subrotundis concavis, patuli, extus subpubescentibus.

COR. *Petala* quatuor subrotunda integra, concava,  
calyce duplo maiora, ungue lineari lamina dimi-  
dio brevior.



STAM. *Filamenta* quatuor, aequalia, subnata erecta, longitudine fere corollae. Antherae subglobosae flavae.

PIST. *Germen* ovatum. *Stylus* cylindricus brevissimus, persistens. *Stigma* obtusum.

PER. *Silicula* ovato-cordata, compressa, bilocularis, bivalvis, valvulis navicularibus, monospermis, dissepimento lanceolato.

SEM. solitaria, ovata, acuta, flavorubentia.

### 39. LEPIDIUM PISCIDIUM. F.

L. foliis elliptico-oblongis, acutis integerrimis: floribus tetradynamis F.

Habitat intra tropicos in insulis demersis, etiam in Huaheine et in Botanices insula ad novam Caledoniam adjacente. Incolis usui venit ad pisces inebriandos et capiendos; nobis tamen inter acetaria apponi solebat, acerrimum. Simile praecedenti, sed multis notis essentialiter distinctum.

Caulis herbaceus bipedalis, ramis patenti ascendentibus, teretibus, laevibus.

Folia alterna, elliptico-oblonga, acuta, integerrima, patentia, laxa, bipollicaria, inferiora caulis basi attenuata, elongata fere petiolata.

Racemi terminales, solitarii, simplices. Pedunculus universalis teres, laevis, erectiusculus, bipalmaris. Pedicelli sparsi, filiformes, patentes, corymbosi, laeves, uniflori, bilineares. Flores parvi.

CAL. *Perianthium* tetraphyllum, foliolis concavis, ovalibus, erectiusculis, intus albicantibus.





**COR.** *Petala*, quatuor aequalia, alba, spatulata, calyce longiora, angustiora, cum eius foliis alternantia.

*Nectarium* e glandulis sex minutis compressis viridibus, staminibus interjectis.

**STAM.** *Filamenta* sex subulata longitudine calycis, horum duo, carinis germinis opposita paullo minora. *Antherae* minutae.

**PIST.** *Germen* oblongum, compressum, utrinque carinatum. *Stylus* cylindricus brevissimus. *Stigma* simplex excavatum.

**PER.** Silicula ovalis, compressa, apice emarginata, bilocularis, valvulis navicularibus compressis, carinatis.

**SEM.** subfolitaria, ovata, apice attenuata, pedicello minimo valvularum apici adfixa.

40. **SONCHUS OLERACEUS.** Linn.

**S.** pedunculis tomentosis, calycibus glabris. *M. S. V.* p. 712. n. 5.

Reperitur in Nova Zeelandia et in amicorum insulis, satis frequens. Ejus caules tenelli et folia juniora pro acetariis a nostratibus usurpari solebant.

41. **BOERHAAVIA ERECTA.** Linn.

**B.** Caule erecto glabro, floribus diandris. *M. S. V.* p. 52.

Caules plerumque procumbentes et in hac specie, usurpantur ab incolis insularum o-Taheiti et Societatis, si carior fuerit annona, et oleris loco comeduntur, licet vix aliquid saporis habeant. Planta sylvatica, sponte proveniens. Taheiten-sibus *Nuna-nuna*.

42. SOLANUM VIRIDE. *Solander.*

S. — — —

Huius speciei mentionum iniecit *Parkinson* (*Journ.* p. 38). Folia inter olera cocta sive affata comeduntur. Planta sponte proveniens, apud incolas vocatur *Purabetti*.

## 43. PORTULACA LUTEA. S.

P. — — —

Herba simillima P. oleraceae, distinguenda tamen si *Parkinsonio* credas, qui nomen a b. *Solandro* huic speciei impositum, tradidit in *Journ.* l. c. Mihi semel, at sine florescentia in *Huaheine* occurrit. Crescit in littore insularum Societatis et demersarum, quae lithophytorum fabricae incumbunt. Cocta ab incolis oleris loco comeditur, et apud *Taheitenses* nomine *Aturi* distinguitur.

## V.

## S V C C E D A N E A.

## 44. AVICENNIA RESINIFERA. F.

A foliis lato - lanceolatis, subtus tomentosis. F.

Arbor. Specimina nostra ante florum eruptionem lecta, cum A. resinifera *Solandri* in herbario *Bankiano* contuli, et eiusdem speciei esse rescivi.

Folia opposita, petiolata, lanceolata, coriacea, integra, acuta, superius nitida, subtus tomento brevissimo, flavicante incano, bipollicaria. Petioli brevissimi semiteretes, extrorsum rugosi, erecto-patentes.

Pe

Pedunculi terminales subtrifidi, capitulo florum onusti. Gummi ex hac arbore exsudans forte idem est, quo barbari novae Zeelandiae homines vescuntur, ut patet e diario navarchi gallici Crozet, p. 67.

„ Je leur ai vu manger une espèce de gomme „de couleur verte, dont ils paroissent faire grand „cas. Je n'ai pu savoir, de quel arbre ils la tiennent. „Quelquesuns de nous en ont mangé, en la faisant „fondre dans la bouche; nous l'avons tous égale- „ment trouvée d'une qualité très-échauffante.“

#### 45. HIBISCUS TILIACEVS. Linn.

H. foliis cordatis subrotundis indivisis acuminatis crenatis, caule arboreo, calyce exteriori decemdentato *M. S. V. p. 629. n. II.*

Calycis nota ad dignoscendam hanc speciem praestantissima est. Folia enim variant, aut simpliciter cordata fere orbiculata; aut in tres, quinove angulos acutos excurrentia; pubescentia vel nuda; profunde crenata vel integerrima; majora, vel minuscula. Flores sulphurei, ampli, basi faturate purpurei, petalis subrotundis, unguibus oblongis.

Reperitur passim intra tropicos in littore insularum Societatis, Marchionis, Amicorum, novarum Hebridum et novae Caledoniae. Cum artocarpus messis deficiat, Tahaitenses huius Hibisci corticem exsugunt: novae Caledoniae autem homines saepius hoc alimento insulso ac minime nutriente vescuntur.



46. COIX LACRYMA. Linn. *M. S. V.* p. 842.

Semina huius graminis dulcia sunt et edulia. Re-  
perta a nobis est in Tongatabu et E-urwa, Amico-  
rum insulis: nescio an cultis ibidem adnumeretur.

47. PTERIS ESCULENTA. F.

*P. frondibus supradecompositis fulcatis, fo-  
liolis pinnatis, pinnis linearibus decur-  
rentibus, summis brevioribus. F.*

Reperitur in sylvis insularum Societatis. Radices  
ab incolis inopibus et famelicis exsuguntur, insipidae,  
parum nutrientes lignoso-fibrosae.

Fronde supradecompositae, triplicato-pinnatae,  
maximae, radicales, glabrae, stipite superne fulco-  
exarato, divisuris omnibus alternis, universalioribus  
interdum oppositis.

Foliola pinnata, circiter bipollicaria, pinnis line-  
aribus integerrimis obtusis. margine revolutis, coria-  
ceis, approximatis, decurrentibus, inferioribus dis-  
cretis, hinc inde dentatis, seu pinnatifidis, extimis  
sensim brevioribus.

Fructificationis lineae marginales fere totum dis-  
cum occupant, membranula tenui femina vix ob-  
tegente.

Taheitenfibus *e. Narré.*

48. POLYPODIUM MEDULLARE. F.

*P. frondibus bipinnatis: foliolis pinnatis  
acuminatissimis: pinnis oblongis subfal-  
catis acutis, crenatis, stipite aspero,  
caudice arboreo. F.*

Haec filicis species in sylvis Novae Zeelandiae  
frequens est, et apud incolas *Mamagu* dicitur; hi ra-  
dicem



dicem et caudicis inferioris medullam tostam comedunt; huius enim substantiae mollis et pulposae sapor quandam similitudinem cum rapae sapore habet, et quidem huic praestat, ita ut ad medullam Saguari arboris accedat. In medullari substantia huius polypodii succus glutinosus, rubescens abundat.

Caudex orgyalis, spongiosus, substantia medullari farctus, extrorsum hispidus, nigricans, e casu stipitum, apice frondibus maximis horizontaliter fere patentibus coronatus. Frons decomposita, orgyalis et ultra, stipite tuberculis seu punctis callosis exiguis, rubicundis undique aspero. Foliola conferta, pinnata, inferiora bipollicaria, angusta, acuminatissima. Pinnulae omnes sessiles, oblongo-lunatae, acutae, infimae discretae, crenatae, superiores sensim breviores connexae, ut apex folii plane ferratus sit, ferraturis profundis acutis.

Fructificationes globosae, maiusculae, in disco, simplici serie.

#### 49. POLYPODIUM DICHOTOMUM.

*P. frondibus dichotomis bipinnatis: pinnulis linearibus integris, parallelis. Thunb. fl. jap. p. 338. t. 37. M.S. V. p. 938. n. 66.*

Sponte crescit in montibus aridis Novae Zeelandiae, nec non intra Tropicos, in collibus aridissimis insularum Societatis. Radice super igne torrefacta et lapide vel fuste conquassata vescuntur novae Zeelandiae homines, exfugendo partem farinosam, dulcescentem. Descriptio Cl. Thunbergii, qui eandem plantam in Iaponia legit, optime quadrat.



## VI.

## POTULENTA.

## 50. PIPER METHYSTICUM. F.

**P. foliis cordatis acuminatis multinerviis: spicis axillaribus solitariis brevissimis, pedunculatis, patentissimis. F.**

Species caute distinguenda a *Pipere latifolio* quod in Supplem. plantar. p. 91. nescio quo casu Piper methysticum vocatur. Etenim non solum notis botanicis plurimis a vero *Pipere methystico*, latifolium illud discrepat, sed etiam toxica qualitate caret, neque in hunc usum ab incolis unquam adhibetur, sponteque nascit per omnes fere insulas oceani australis intra tropicos sitas.

*Piper methysticum* verum inter plantas cultas earundem insularum passim reperitur, iis tamen exceptis, quae nigrae gentis sedes sunt, novis Hebridibus et Caledonia nova. Inter plantas autem cultas harum regionum non alia maiori cura et solertia, neque tam assiduis laboribus colitur, quam haec ipsa piperis perniciosissima species; nam et solum huic culturae idoneum lignibus crebro subvertitur, et a herbis sponte nascentibus liberatur, simulque calce e corallis et conchis marinis fatiscantibus, stercoris loco fecundatur. Radix contusa vel potius manducata, et cum saliva humectata, succum praebet nauseoso-fervidum, cui affunditur liquor e nucibus Cocos, vel etiam aqua pura. Liquorem sic paratum acrem, nauseosum, virescentem harum insularum proceres et sacrificuli in deliciis habent; quo minore aquae portione commiscantur pocula, eo pluris existimantur, citius enim inebriant et in somnum resolvunt; nimis frequenter autem repetitum temetulum totum corpus sicco ardore



ardore quasi accendit. Tum oculi rubere, cutis exarescere et in squamulas exfoliari, quae tandem in ulcera leprosa degenerant, vel universam corporis maciem tabe inque praefagiunt. Sapor huius liquoris omnium maxime ingratus, ipsis pertinacissimis potatoribus ora distorquet atque membra quatit horore. (Cook in itin. noviss. Vol. I. p. 318). Vires videntur inesse etiam narcoticae. Nomen apud Taheiteses: *Ava*, apud incolas insularum Amicorum et Sandvigiatarum cum aspiratione dura praefixa: *Kava*. Caulis plerumque orgyalem altitudinem attingit dichotomus, maculosus. Folia oblongo-cordata, nec ut in *P.* latifolio subrotundo-cordata. Spicae rectae breves folitariae, nec aggregatae, longae, nutantes. Perfectam florescentiam non vidimus.

51. SACCHARUM OFFICINARUM. Linn.

**S.** floribus paniculatis, foliis planis, (lanugine flosculis longiore F.) *M. S. V.* p. 103. n. 2.

Huius graminis magna copia plantatur in campis aridis insulae Paschatos, cuius incolae ob aquae penuriam, eiusdem culmos dulci succo plenos exfugunt. In O-Taheiti, Societatis, Marchiorum, Amicorum, Sandvigii insulis minus frequens, cultum tamen nec sponte proveniens, infantibus et pueris relinquitur, Taheitesium *To*.

52. CONVULVULUS TURPETHUM. Linn.

**C.** foliis cordatis, angulatis caule membranaceo quadrangulati, pedunculis multifloris. *M. S. V.* p. 201. n. 22.

Sponte in insulis Societatis, Amicorum, Novarumque Hebridum nascit. Caules succo dulcescente abundant, taheitesium pueris grato. Apud Parkin-  
fo



sonum (Journ. p. 37.) vocatur *Convolvulus alatus*; Anne jure, a *C. Turpetho* separetur, videant illi quibus sequentem descriptionem cum vero *C. Turpetho* Linnaei comparare licebit.

Radix brevis, digiti crassitie, emittens fibras spithamea longitudine, fibrillis paucis.

Caules tetragoni, membranulis alati.

Folia cordata, obtusiuscula, interdum angulata, palmaria Petioli semiteretes, folio dimidio breviores.

Pedunculi teretiusculi, palmares, trifidi, pedicellis subunifloris. Flores albi, corollis calyce vix duplo longioribus, campanulatis, plicatisque, quinquefidis.

Calycis foliola duo exteriora ovata villosa, reliquis duplo majora, (Hinc forte *Linnaeus* in *Flora Zeylanica*, p. 31. singulo flori involucrium diphyllum tribuit,) tria interiora ovata glabra.

Antherae spirales! Stigma globoso bilobum. Capsula membranacea, globoso-depressa, bilocularis, loculamentis 1. s. 2. spermis. Semina subrotunda, hinc angulata, atra, obscura.

Nomen Taheitense *Taudibau*.

### 53. MELALEUCA SCOPARIA. F.

*M. foliis alternis ovatis acutis subtrinerviis floribus terminalibus solitariis sessilibus. F.*

*Melaleuca scoparia M. S. V. p. 699. n. 4.*  
*Leptospermum scoparium. Forst. Charact. gen. 36.*

Haec arbuscula Novae Zeelandiae vix locum hinc meruisset, nisi eius flores et ramuli floriferi recentes, fo-





foliis tenellis onusti ab Europaeis Cookium comitantibus in itineribus suis circa globum terraqueum et ad australes insulas, pro infuso, in Theae locum, adhibitae fuissent. Potus hucce suaviter aromaticus, fragrans, brevi tamen nimium amarorem contrahebat, scorbuticis ad instaurandam valetudinem non nihil forte proderat.

Caulis arboreus, ramosissimus, erectiusculus, rimosus, cinereus, ramis diffusis, obliquis, subfastigiatis, teretibus, aphyllis, summis virgatis foliolis, apice herbaceis, villosifericeis.

Folia alterna sparsa, subsessilia, ovato-lanceolata, acuta integerrima, trinervia, patentia, plana, laevia, punctata, supra intense viridia, subtus pallida, bilinearia. Petioli vix ulli, planiusculi.

Flores solitarii terminales, sessiles in apice ramulorum, albi, magnitudine florum cerasi. Bractee subrotundae, imbricatae, concavae, deciduae calycem usque ad medium cingentes, obtegentes.

**CAL.** *Perianthium*, hemisphaericum, germini adnatum, idque umbilicans, margine integerrimo elevato. Limbus e foliolis quinque parvis, ovatis, concavis, cum petalis alternantibus, albis, extus rubicundis, deciduis.

**COR.** *Petala* quinque orbiculata, patentissima, planiuscula, ungue minimo calycis margini interiori inserta, ejus foliolis triplo longiora.

**STAM.** *Filamenta* vigintiquatuor, erecta, subulata, petalis dimidio breviora, calycis margini simplici ordine inserta. *Antherae* didymae, subrotundae.

**PIST.** *Germen* hemisphaericum, calyce umbilicatum, inferiusque vestitum, supra convexiusculum. *Stylus* filiformis, longitudine et directione staminum deciduus. *Stigma* capitatum.



PER. *Capsula* haemisphaerica, calyce umbilicata, supra planoconvexa, apice puncto excavata, quinque striata, quinquelocularis, quinquevalis, apice debilis, polysperma.

SEM. plurima, minima, linearia, cylindrica, tenuissima.

OBS. Haec species a Characterere generico Melaleucæ aliquanto recedit, sed tamen eidem generi adnectitur per speciem intermediam, nempe *M. virgatam*.

#### 54. DACRYDIUM CUPRESSINUM, Solander.

Pulcherrimum hocce Taxoque affine genus, cuius florentiam non vidimus, ab Illustri Solandro nomen Dacrydii accepit. Reperitur in Nova Zeelandia, vbi Cookius, e junioribus ramusculis, foliis tenellis onustis, et resinosa materia amaricante scatentibus, potum, cerevisiae quodammodo similem, parari jubebat, cuius praestantiam in malo scorbutico disertis verbis extollit in hodoeporico & succedaneum potumcerevisiae e taleis Pini canadensis confecti, inque America septentrionali & inter nautas notissimi, vulgo *Spruce-beer* esse voluit. Non tamen negandum est, hunc e Dacrydio cupressino paratum potum, jejunis nauseam et vertiginem induxisse, parvo temporis spatio interjecto transeuntem.

Benevole lector, Pauca sphalmata, quæ lectum difficilem reddere possent sic corrigere velis.

Pag. 8. Lin. 8. pro labis lege labiis. p. 9. l. 21. p. crassiuscula l. crassiuscula. p. 15. l. 26. p. dioscorea. l. dioscoreæ. p. 19. Not. 1. p. in l. id. p. 20. l. 13. p. granatum l. Granatum. p. 23. l. 10. p. fibrillis l. e fibrillis. p. 28. l. 21. p. cernuntur. l. cernuntur. P. 29. l. 3. p. onginquo l. longinquo. p. 32. l. 1. p. gerit l. gerit. p. 32. l. 24. p. reigæ l. regiæ. p. 37. l. 19. p. Arbo l. Arbor. p. 40. l. 12. p. cuneate l. cuneatae. p. 41. p. in habitantium l. inhabitantium p. 52. l. 20. p. collocantur l. collocantur. p. 58. l. 35. p. singulis. l. singulis. p. 60. l. 6. p. hexaphillum l. hexaphyllum. p. 61. l. 1. p. possit l. possit. p. 61. l. 13. p. radices l. radicis. p. 62. l. 14. p. emitit l. emittit. p. 63. l. 1. p. similitæ l. simillimæ. p. 63. l. 16. p. irregulariter l. irregulariter.



